

太極圖說論

太極圖說論卷之四

太極圖說辨仁論十九

或曰敢問西銘言仁程朱謂其極純無雜吾子乃謂與孔孟有參差者豈以龜山第一書論其言體不言用其流入於墨氏兼愛而云然耶余曰此固諸儒違孔孟之教者人能言之不獨龜山爲然也伊川何論西銘止謂其言仁體完備答龜山書始言理一而分殊然理一分殊亦是伊川自爲立解以明天下無有體無用之理而西銘大旨言體不及用亦止謂其體

之氣象擴充如是其大耳○使必以用之分殊入之又○

○此○是○西○銘○言○仁○鐵○案○

安見氣象擴充如是其大哉其言曰乾稱父坤稱母

予茲藐焉中處明予爲天所生之人卽如天所生之

子也天地之塞吾其體天地之帥吾其性明予爲天

所生之人卽以天地之氣爲吾氣天地之理爲吾理

吾不視民如同胞視物如吾與是吾以天地之氣爲

氣天地之理爲理而不能盡天地之仁量猶得爲天

所生之人天所生之子以無負吾事天之道耶故于

時保之以下言孝子之事親必如是而可謂親之肖

子仁人之事天必如是而可謂天之肖子雖天下至誠能盡已性以盡人性物性參天地贊化育不是過也止言理一而不及分殊此西銘之大旨也嗟乎古

若云分殊則首銘早已及之何客伊川註解

昔聖人之立言也有言其行之所能及者有言其行之所不能及者有言其行之所能及如不及者有言其行之所未及而實能及之者其言之首尾本末莫不令人曉然於意言之表而自喻之使必於其言之首尾加一二言而始明其首尾如是於其言之本末增一二語而始明其本末如是此五經四子篇章論

說所未有也。論語一書其言至爲要約。凡一事一理。首尾本末。無不該備於中。若曾子大學。子思中庸。一卷如一篇。孟子書一篇如一卷。七卷如一篇。首尾本末尤爲彰明較著者也。後之人從所已言而發揮之者有矣。未有從所不言及所已言而不言者。補益之也。今西銘言父天母地。自必言民胞物與。以爲此天地之仁體。卽聖帝明王之仁體也。卽吾儒法天學聖之仁體也。此伊川所謂擴前聖所未發而立言者也。如言理一而分殊。則前古聖人言仁之體。卽言仁之

用言仁之理一卽言仁之分殊無不如合一轍又何  
○談○言○微○中○擴前聖所未發之有哉且前古大聖賢人其言仁也  
廣矣大矣至矣精矣如尚書之所記載莫非仁政仁  
之用也如大易之所發揮莫非仁德仁之體也四子  
之書或言德或言政或言存諸心或言根諸性或言  
求仁之方或言爲仁之效無非從仁之體用而言者  
也總而論之其德至於天地之體用莫有過焉者矣  
故曰天地之大德曰生生者仁也天之本也又曰大  
哉乾元資始統天元者仁也天德之本也孔門專言

求仁其要莫如克己復禮見賓承祭至其於一事一理而盡之者要以去私主敬爲本此從仁之體言者也其要又莫如不欲勿施已立已達至其於一人一物一家一邦而推之者要以盡已及物爲功此從仁之用言者也孟門兼言仁義其言仁人心也強恕而行擴充惻隱善推所爲與孔門言仁其體用亦復如是然而孔門弟子人人求仁以仁許者惟顏子三月不違其他皆謂不知其仁甚矣仁之克全其體之難也至若仁之見於一事一理而稱之者如殷有三仁

伯夷求仁得仁下至管仲伯功稱仁志士殺身成仁  
此但從仁之見於用者許之較仁之克全其體而許  
之者未可比而論之也蓋仁之體量至大而仁之功  
用其大亦如之孔子曰若聖與仁則吾豈敢以有聖  
人之德斯有仁人之功盡仁人之極功斯全聖人之  
至德子貢言博施濟衆夫子以堯舜猶病難之非以  
堯舜聖猶未至其施濟猶未及也自古聖帝明王能  
造聖之極而不能滿仁之量其功用原自如此故唐  
虞之咨嗟夏商之罪已周文武之視民如傷過在一



人以天生大聖人之至德命以有天下之大權旱潦  
災傷救援水火養之育之如不足教之化之如不足  
始於家邦被於四海究其功效亦不過曰老吾老以  
及人之老幼吾幼以及人之幼而已亦不過曰制田  
里教樹畜老者衣帛食肉黎民不饑不寒鰥寡孤獨  
皆有養而已故堯舜禹湯文武當其在位不能無咨  
警之憂必世百年不能保久長之效甚矣○○○○  
○聖○賢○言○上○卷○二○余○推○二○人○爲○尚○難○之  
難窮仁之體量難盡亦大可見矣橫渠讀書學道求  
仁者有年一旦有見於天地之大德帝王之至仁人

之有生必體備若此而後可謂仁遂以父天母地民  
胞物與爲吾分量所有非身體而力行之不可謂天  
所生之人天所生之子而踐形惟肖以事天伊川紫  
陽○聞其說而大之者○○徒○以○言○論○見○仁○安○得○不○大○以其能推仁之體量必如是而  
始○無○遺○憾○以○故○信○服○而○嘆○美○之○也○不○知○此○其○言○似○古  
聖人自求體仁之言○而非古聖人自求體仁之言也○  
似古聖人教人以體仁之言○而非古聖人教人以體  
仁之言也○似古聖人有德無位者○所能任之言○而非  
古聖人有德無位者○所能任之言也○似古聖人有德

有位所能盡之言而非古聖人有德有位所能盡之言也。然而龜山致書諄諄辨之疑其有體無用者。猶謂橫渠能如此。胞與民物。吾慮其徒知理一而不知其用時能分殊與不能分殊否耳。故伊川答以理一而分殊。龜山第二書謂自此釋然無惑。夫龜山以爲釋然無惑。自必釋然無惑矣。乃伊川何以反謂揚時也。未釋然是明以龜山釋然於伊川之說而未釋然於橫渠之說可知矣。蓋民胞物與之言。無論其能分殊與不能分殊。其於聖門論仁之大根大本已失之。

矣。又○何○論○其○末○流○乎。今吾姑舍所謂物與卽所謂民胞者論之。所謂民者一鄉一國天下之民也。所爲同胞者吾一父一母所生之兄弟也。夫旣合鄉國天下之民皆吾一父一母同胞之兄弟矣。有不以鄉國天下之老如吾老鄉國天下之幼如吾幼者乎。自必視民之父一如吾父視民之子一如吾子而後可無愧吾同胞之義而後可謂之至仁。苟視民之父不必如吾父視民之子不必如吾子其視鄉國天下之兄弟自必有不能如吾兄弟者矣。亦不得謂無愧於同胞。

之義卽不得謂之至仁夫民同胞者橫渠之所已言也○  
也○視民父如吾父○視民子如吾子○橫渠之所不言也○  
○人○所○蒙○養○育○室○者○此○獨○得○諸○日○中○  
由所已言推所不言使所已言者是一理所不言者  
又○一○理○是○一○理○而○二○之○矣○不○必○推○而○論○之○而○已○知○其  
非○矣○如○所○言○者○此○理○也○所○不○言○者○亦○此○理○也○則○無○不  
可○推○而○論○之○何○以○不○先○言○民○父○如○吾○父○民○子○如○吾○子  
而○止○言○民○與○吾○如○兄○弟○乎○今○橫○渠○既○言○民○與○吾○如○兄  
弟○矣○不○得○不○及○民○父○民○子○乃○僅○以○尊○高○年○所○以○長○其  
長○慈○孤○弱○所○以○幼○其○幼○舉○而○係○之○宗○子○家○相○之○後○一

若與天下人無貴無賤其之不過以天下疲癯殘疾  
鰥寡孤獨引爲兄弟以足吾言同胞之義而吾之視  
民父如吾父視民子如吾子與視民父不必如吾父  
視民子不必如吾子初未嘗一言及之也○非○不○及○不○可○及○也今卽所謂  
理一而分殊者解之是必截老吾老而言親民父不  
必同於親吾之父截幼吾幼而言親民子不必同於  
親吾之子其理已與民吾同胞有殊矣此可謂仁之  
○無○不○斷○折○以○析○之○分殊矣而可謂仁之理一乎苟民父民子必不得比  
於吾父吾子如吾與民爲兄弟是有同胞之名不必

有同胞之實其虧吾至仁之體量先從吾私吾父吾  
私吾子始矣又安取乎分殊之說爲哉如謂卽同胞  
之民而分殊之鄉國天下同一民也以遠近而分殊  
之乎以貴賤而分殊之親疎而分殊之乎苟不免於  
遠近貴賤親疎而分之殊之又何取乎同胞之說與  
鄉國天下如足如手之情究不能一體以致之乎由  
此而推之吾父吾子欲有所及而又有有所不敢及推  
之吾兄吾弟又若有所及又必有所不能及又不得  
不言理一不得不言分殊是會不若孟子所爲親親

而○仁○民○仁○民○而○愛○物○孔○子○所○爲○仁○者○人○也○親○親○爲○大○  
親○親○之○殺○禮○所○生○也○其○言○有○條○而○不○紊○而○仁○之○理○有○  
何○不○一○仁○之○分○有○何○不○殊○仁○之○體○量○有○何○不○足○仁○之○  
功○用○有○何○不○全○也○哉○  
盡貴之言類揆不殺如此

聖賢言道直捷了當無不通曉如行通衢惟異端  
說理本無幽深藏頭露尾通此塞彼作者既多破  
綻述者便費補湊皆因道一兩字未曾透徹耳西  
銘言仁是聖學第一大本然止就仁論仁自不免  
先將孔孟鐵案掀翻以求超出千古論仁所未發



伊川紫陽雖力爲補奏其缺陷豈可得哉桂山字  
字通徹語語痛快一以孔孟爲宗主然其藏頭露  
尾通此塞彼處無不曲折洗發之朱子讚西銘筆  
力何人及得他移讚此篇可以不愧

# 太極圖說辨仁論二十

然此猶爲理一分殊之言欲爲民胞物與解而不能  
爲民胞物與解者言之也至民胞物與之言不惟古  
○論○聖○人○大○道○二○字○依○連○不○得○二○字○則○獲○不○得○  
聖賢言理必不言之理言仁亦必不言之仁也今夫

人之爲人也有聖賢大小之不同矣有貴賤勢分之  
不齊矣一家之中吾同胞者二三兄弟耳無論聖人  
賢人大人小人貴者賤者有勢分者無勢分者必推  
吾父母之一本衣食甘苦休戚死生如吾一身焉吾  
高曾而下其族屬吾不得比而同之矣况鄉國天下

之人乎長一鄉者始得問一鄉之疾苦令一邑者始得問一邑之疾苦○猶必請恩澤於吾君吾相而後有以及之○至有國有天下者始得引國與天下之疾苦如痼瘵乃身而計所以安全之○天之生人有聖有賢有大有小有貴賤勢分非吾存諸心有是仁○施諸事卽有是仁○可以吾之仁○卽天地之仁○而天地之仁○卽爲吾之仁也○顏子在陋巷視禹稷之已飢已溺如鄉隣有關閉戶而不以爲愬然者○顏子視天下之民猶天下之民未嘗敢引爲同胞之兄弟也○如顏子引如

同胞之兄弟必且鰥鰥然如同室之人憂之計之而引爲已飢已溺矣孔子周流列國以救安天下爲志其言志也亦止曰老者安之朋友信之少者懷之必不敢曰老者吾安之朋友吾信之少者吾懷之豈孔子之至德猶有所不及哉不敢以吾之志遂謂吾之事也夫聖如孔子賢如顏子吾猶得以有其志有其○大○西○銘○者○止○知○大○西○銘○之○志○不○知○止○大○西○銘○事而信之者且然而況其他乎故聽其言信其行雖細行小節猶難之况其言天地帝王大德至仁之事乎伊尹之言曰予視天下匹夫匹婦有不被堯舜之

澤者若已推而納之溝中此伊尹三聘後相湯伐桀  
救民水火之言非耕莘野時一介不與一介不取之  
言也故任伊尹之任其救民也雖過于同胞之迫切  
而止言救民不得以吾同胞之義分屬之者不以仁  
民之仁同吾親親之仁也且聖人言仁之功必以所  
成之大小論其功故管仲亦得稱仁聖人言仁之志  
不必以所願之大小論其志故子貢不許其能及况  
視天下之民如兄弟而未必當于仁卽視天下之老  
如吾老○視天下之子如吾子而未必卽當于仁○不視

推揚○至此聖人之仁遠一○幾去而千里

天下之民如兄弟而未必不當于仁○不視天下之老  
如吾老○視天下之子如吾子而未必不當于仁也○孔  
子教弟子求仁子貢博施濟衆力固不及何妨勉以  
及之○乃必歸諸堯舜且謂堯舜猶病仁之爲體○求之  
一心○至微○至隱○終其身能存諸心者○幾人○仁之爲用  
推之天下○至廣○至大○施諸事能盡其量者○幾人○非可  
以知及之○遂謂仁亦能及之○能知帝王之仁○卽可以  
及帝王○能知天地之仁○卽可以及天地也○子貢不欲  
無加夫子以爲非所及他日問一言終身行亦止不

欲勿施爲仁爲恕一理而已孔子教之勉以及也子貢言之警以所不及况民吾同胞之語爲何語假令橫渠以斯言質于聖門孔子肯以不輕許子貢者以其言尤大而意尤切歎爲從古聖人所不能及而輕許之乎此其理余謂古聖賢人必不言之理者是也

字高深

至所爲必不言之仁者有子以孝弟爲仁之本孟子謂孩提親長爲仁爲義蓋人于父母兄弟屬毛離裏分形同氣以來其恩勤愛戀之情根于至性而不能已推而上之至高曾始祖推而下之至伯叔兄弟其

用情必有降殺焉非有所強而爲之也至于鄉國天下之人其老其長推愛敬以及之其降殺自必有在矣然此猶合仁與義禮而分殊之也至怵惕惻隱發于自然莫如拯人于溺救赤子入井使遇吾父兄溺于水吾赤子將入于井其迫切號呼雖忘其身以拯救之而有所不暇顧以視他人之父兄赤子迫切號呼忘身以拯救之必有間矣此可知仁之分殊原本自然非必仁無分殊而必以義爲分殊禮爲分殊亦可以曉然而喻矣今橫渠父天母地民胞物與原以

○精○析○至○此○皆○從○孟子○子○已○言○推○所○未○言○而○言○之○



天地萬物一體爲仁無所分殊而始大也以無所分  
殊爲大自必以有所分殊爲小矣以有所分殊爲小  
自必以各親其親各長其長各子其子爲小矣以各  
親其親各長其長各子其子爲小自必以聖人之老  
吾老以及人老長吾長以及人長幼吾幼以及人幼  
有分殊而若無所分殊爲大矣以有所分殊而若無  
所分殊爲大自必以天地之視萬民如一民視萬物  
如一物無所爲人親人長人幼無所爲吾親吾長吾  
幼分殊于其間者爲尤大矣推橫渠之意以仁之爲

言○公○也○至○公○者○莫○如○天○地○反○而○言○之○爲○無○私○無○私○者○  
莫○如○天○地○人○苟○一○理○而○不○以○大○公○盡○之○則○非○天○地○之○  
仁○矣○苟○一○事○而○不○以○無○私○推○之○則○非○天○地○之○仁○矣○非○  
天○地○之○仁○卽○非○吾○體○天○地○之○仁○以○爲○仁○矣○使○橫○渠○必○  
如○是○而○言○仁○辟○猶○人○不○能○以○四○海○兄○弟○言○仁○吾○獨○能○  
以○四○海○兄○弟○言○仁○人○不○能○以○吾○翁○卽○若○翁○若○母○卽○吾○  
母○言○仁○吾○獨○能○以○吾○翁○卽○若○翁○若○母○卽○吾○母○言○仁○不○  
問○其○言○之○以○何○而○有○是○言○有○不○以○其○言○非○仁○之○言○不○  
問○其○理○以○何○而○有○是○理○有○不○以○其○理○非○仁○之○理○者○乎○

且以其言爲仁之至其理爲仁之至者乎而不知必  
如是而言仁不可以言仁如是而言仁之至不可以  
言至也前之人言之者墨氏之言仁也後之人言之  
者釋氏之言仁也不可言之仁言不可行之仁理也  
不特非仁非仁之至也由其所能及之仁推其所不  
能及之仁是塞吾仁者也從其所不能及之仁舍其  
所能及之仁是賊吾仁者也蓋以前之墨氏後之釋  
氏其言仁也不知仁之理者也其言仁不知仁之理  
者由其不知公之所以爲公而無私之所以爲無私

也○不○知○公○之○所○以○爲○公○者○不○知○至○公○之○如○不○公○也○不  
知○私○之○所○爲○無○私○者○不○知○至○無○私○之○如○至○私○也○堯○之  
傳○賢○公○也○禹○之○傳○子○私○也○亦○公○也○虞○不○郊○瞽○公○也○夏  
后○郊○鯀○私○也○亦○公○也○周○公○誅○管○公○也○舜○封○有○庠○私○也○  
亦○公○也○衛○伋○與○壽○俱○死○公○也○伍○員○不○與○尚○俱○死○私○也○  
亦○公○也○由○是○言○之○公○者○固○公○其○公○而○似○私○者○非○公○矣○  
而○孰○知○其○私○之○爲○公○也○似○私○而○公○者○固○公○矣○而○孰○知  
私○之○至○之○爲○公○之○至○且○爲○大○公○而○至○無○私○也○故○人○至  
於○父○子○兄○弟○之○間○不○患○其○私○患○其○不○私○耳○不○患○私○之

公○私○二○字○看○得○透○徹○其○端○知○此○不○獨○公○私○二○字○即

○有○無○字○亦○知○之○矣

至○患○其○私○之○不○至○耳○夫○私○而○至○於○父○子○兄○弟○不○謂○之○  
私○而○反○謂○之○公○者○以○父○子○兄○弟○之○私○乃○天○性○之○私○耳○  
猶○天○地○無○私○而○私○善○人○天○地○私○善○人○尤○私○孝○子○悌○弟○  
之○爲○善○人○也○夫○天○地○且○爲○善○人○爲○孝○子○悌○弟○之○爲○善○  
人○易○其○無○私○之○大○德○而○獨○私○之○而○况○於○人○乎○况○於○鬼○  
神○乎○今○夫○人○之○爲○仁○發○而○爲○愛○之○理○施○而○爲○愛○之○事○  
以○無○所○不○愛○爲○公○尤○以○有○所○愛○有○所○不○愛○爲○公○此○惟○  
仁○者○能○愛○人○能○惡○人○之○說○也○以○兼○所○愛○爲○無○私○尤○以○  
專○所○愛○爲○無○私○此○仁○者○人○也○親○親○爲○大○之○說○也○今○墨○

氏釋家之徒以愛吾親不同於他人遂若愛之有私  
是止知仁之爲仁○不過愛之爲愛○本吾愛之理以行  
吾愛之事○非極乎愛之量者○卽不足以盡仁之量○豈  
惟人爲天所生之人○以無差等○無人我相者○愛之卽  
物亦爲天所生之物○不以愛人親○如愛吾親○無差等○  
無人我相者○愛之○亦不得謂極乎愛之量○卽不得謂  
盡乎仁之量者○也是止知愛之爲仁○不愛之爲非仁○  
無不愛之爲公○而無私有愛有不愛之爲私○而非公○  
又安知有好有惡之爲仁○有等有殺之仁○爲至公無

私之仁哉

從古聖賢教人爲仁之方至詳至悉未嘗不合仁之體用而統論之孟夫子闢墨氏最嚴然其時未至如今日佛教大行聖人之仁道幾於泯滅不存若是之甚也桂山本四子已言不言之精蘊而貫徹論之孔子之道著而楊墨之道不熄有是理乎

太極圖說辨仁論二十一

或曰伊川有取乎西銘仁體之大答龜山書既曰理一而分殊又曰分殊之弊私勝而失仁又曰分立而推理一以止私勝之流其說可得而聞歟余曰此其說亦若不能強爲之解也伊川既以西銘不言分殊而言分殊明以聖人親親而仁民仁民而愛物爲不易之理矣今又曰分殊之敝以人之宜分殊而不能分殊爲敝可也若宜分殊而能分殊又何敝之有哉苟以聖人之分殊有敝是聖人分殊之敝卽聖人爲

○每○出○二○語○必○據○其○端○



仁○之○敝○矣○如○以○聖○人○之○分○殊○本○無○敝○從○聖○人○而○分○殊○  
之○人○其○流○入○於○有○敝○此○其○敝○當○於○其○人○之○仁○不○仁○求○  
之○不○當○於○分○殊○求○之○也○苟○於○分○殊○求○之○豈○以○天○下○之○  
人○必○有○能○親○親○不○能○仁○民○能○仁○民○不○能○愛○物○者○爲○有○  
敝○耶○以千百言微其一言○好辨如是豈得已哉不○知○人○患○不○能○親○親○耳○不○患○不○能○仁○民○患○不○能○  
仁○民○耳○不○患○不○能○愛○物○堯○舜○之○道○孝○弟○而○已○老○老○幼○  
幼○推○以○及○物○運○天○下○如○反○掌○况○在○邦○在○家○而○有○不○足○  
乎○若○以○天○下○之○人○又○必○有○能○愛○物○不○能○仁○民○能○仁○民○  
不○能○親○親○所○厚○者○薄○所○薄○者○厚○爲○有○敝○必○無○所○不○愛○

以勝其私此其人世亦庸有之然此皆不仁之人失其本心之過○非分殊之過也○今既以分殊爲仁又慮分殊之私勝而失仁亦不過謂各親其親各子其子其流必至視民如路人○視物如異類○苟以是而爲私○必求其無私○以是爲失仁○而必求其無失○自必從墨釋二家○無差等○無人我相○以求免於私勝○失仁而後可○勢必視人父如已父○視人兄如已兄○情有所不及○必強吾情○以致之力○有所不逮○必殫吾力○以赴之○勢必謂他人父○不得不忘吾父○雖父母在○許人死○可也○

謂他人昆○○文○情○文○理○豈○從○入○木○三○分○不得不舍吾昆○視兄弟如路人○視行道如  
同氣可也○夫聖人止教人以各親其親○各子其子○以  
存吾天性之仁○而推及於人○猶有不愛其親而愛他  
人不敬其兄而敬他人○以行其悖德悖禮之事○况教  
以民胞物與○舉天地間有知有覺同類異類○一如吾  
以天性行於一家者○然此雖大聖人與天地同體者  
有所不能盡也○西銘必以是爲無忝吾仁○以無忝吾  
事天○不亦過乎○今天下有求仁之人○當其觀仁於靜  
一切平等○如在我和氣中○此卽萬物一體氣象也○謝

氏謂其靜時心虛氣平自是如此必應事時有此氣

象始爲得之此亦指徒爲仁言不能有仁理者言之

○總○不○使○是○得○三○案○一○障○可○以○扶○足

耳以語聖人則不然靜時所見如此動時應事自必

如此故聖人靜時見萬物一體一民一物不在所愛

中吾之仁雖放之四海極之天覆地載以一民一物

故如日月之蝕而虧其全體者然此卽所爲靜時春

意一切平等之氣象也及其應事而推之親吾親愛

吾子自本吾靜時所見一體之仁而爲之親吾親以

及人愛吾子以及人亦本吾靜時所見一體之仁而

爲之親吾親不必親人親如吾親愛吾子不必愛人  
子如吾子亦本吾靜時所見一體之仁而爲之夫親  
吾親以及人愛吾子以及人於吾靜時所見一體之  
○如○此○雖○解○有○之○捨○未○見○聖○人○仁○體○捨○得○爲○儒○哉  
仁非有所加也親吾親不必親人親如吾親愛吾子  
不必愛人子如吾子於吾靜時所見一體之仁非有  
所損也蓋聖人之視一民一物無不在所愛之中猶  
天地之視一民一物無不在所愛之中也天地之愛  
○不○惟○至○天○地○則○異○端○之○仁○大○于○天○地○不○足○折○之  
物未嘗不欲如愛民者愛之然物則猶是物也不可  
強而爲民者也亦惟以愛物者愛之而已天地愛愚

不肖之民○未嘗不欲如愛賢知者愛之○然愚不肖則  
猶是愚不肖也○亦惟以愛愚不肖者愛之而已○是天  
之於人與物○賢知愚不肖○何嘗一體愛之○而吾謂其  
一體愛之者○以人與物○賢知愚不肖○不一體愛之者  
乃人與物○賢知愚不肖之本○不可一體而愛之○非吾  
一體之仁○分其爲人爲物○爲賢智愚不肖○不可一體  
而愛之也○故吾以人與物○賢智與愚不肖○無不在吾  
所愛之中○而愛人者自在人○愛物者自在物○愛賢智  
者自在賢○愛愚不肖者自在愚○不肖以吾本然一

體○之○仁○行○吾○一○體○之○愛○非○以○吾○本○然○一○體○之○仁○行○吾○  
二○體○之○愛○此○其○爲○天○地○之○大○德○大○仁○也○聖○人○之○於○民○  
物○何○獨○不○然○今橫渠必言民胞必言物與是猶天地  
必○引○物○之○蠢○愚○皆○得○比○民○之○秀○靈○而○後○謂○之○無○不○愛○  
之○仁○聖人必引物之微賤皆得比於人之貴重人之  
踈○遠○皆○得○比○於○人○之○親○近○而○後○謂○之○無○不○愛○之○仁○此  
天○地○所○不○能○爲○聖○人○所○必○不○爲○者○也○宜乎墨氏之無  
○使○二○家○得○聞○此○說○何○難○以○對○有○代○爲○對○者○吾○願○  
差○等○自○謂○其○仁○過○於○聖○人○釋○氏○之○無○人○我○相○自○謂○其○  
○洗○耳○而○聽○之○  
仁○大○於○天○地○也○然○則○橫○渠○以○胞○與○言○仁○徒○以○靜○時○無○

所爲而爲之心論仁不可以應事時有所爲而爲之  
○案○到○如○山○子○處○國○之○折○嶺○必○無○克○只○亦○僞○是○也○  
事論仁也徒以仁所及廣狹厚薄之事論仁不以仁  
所及廣狹厚薄之理論仁也故民胞物與之言似可  
言而不可言也有所著之言也民胞物與之理似有  
其理而不可爲理也有所著之理也有所著之言通  
諸此而可言通諸彼而不可言也有所著之理施諸  
此而爲理施諸彼而不爲理也苟慮人之視民如路  
人言仁民不足必言民胞視物如異類言愛物不足  
必言物與而天下之視民如同胞者莫不有加於仁



民天下之視物如吾與者莫不有加於愛物聖人亦

聖人亦與人同情何處可容不情之端

何惜而不以視民父一如吾父視民子一如吾子以

是而率天下之人其爲天下一家中國一人不更大

於天地而爲之亦何不可之有哉嗟乎聖如堯舜如

天好生四海之養止及其親有庠之封止及其弟其

於九族親之而已其於百姓平章而已其於萬邦協

和而已猶不能使逆命之三苗同於於變不才之八

子化於昭明豈惟堯舜卽天無私覆地無私載能生

賢智不能不生愚不肖之人能生秀靈不能不生蠢

頑之物能以聲名文物及中國不能及薄海以外之  
人所謂天地之大人猶有憾從事聖人之徒徒知萬  
物一體之言不察萬物一體之理又何暇論其能體  
而行之不能體而行之豈聖人教門弟子以求仁之  
方乎嗟乎余之推論及此亦以西銘好仁之過卽孔  
子所爲好仁之蔽之過也使非從事佛氏之教又安  
得有是言乎蓋佛氏之爲佛氏其教本無與於仁者  
也舍色身空人世以生爲幻以死爲真彼烏知仁爲  
何物者耶今釋氏之徒日以慈悲爲仁矣吾謂其不

百折千迴必以大海爲歸宿

知仁爲何物者以其於仁之大本茫然一無所知者也所謂大本者乃天地大德帝王至仁之大本非彼異域之人所能通貫而默喻之也其所爲慈悲度世以人不知色身之幻度之出世而証無生與天地生物帝王育物之至仁相背而馳者也其言放生亦所謂不揣其本而求其末耳彼以一切含靈皆有佛性放之生之自一二以至十百自千萬以至億萬亦與天地生人等耳放一物則一物生放百千萬億物則百千萬億之物生遂以物之不殊於人至百千萬億

愚魯之人豈無至性所見止於此

吾能如天地生物而生之。雖天地亦孰有過於吾仁者乎。西銘言物與其言尤繆於民胞不足論也。然非本佛氏割已肉以餵饑鷹及四生輪迴食吾父母之說。安得有是言耶。嘗試與子罕譬而喻之。天下無賢智。愚不肖之人。猝然而見。鳥之飢而待斃。獸之殼觶而就刑。未有不怵惕惻隱。思所以救之者。使聞佛氏割已肉悲輪迴之說。彼賢智之君子。自必強其說而不爲彼愚不肖之小人。莫不踴躍讚嘆。忘其身以徇之。然未有始信之而終疑之者也。以世之飢鷹無

窮而已之肌肉有盡一割再割而不已○鷹未飽而身  
已亡矣○吾止一父母也○吾能知輪迴中此二物是吾  
父母○吾哀而舍之可也○吾又安知百千萬億物日在  
輪迴中○何者是吾父母○何者非吾父母○而皆如吾父  
母哀而舍之耶○夫推釋氏之言仁○不過摩頂放踵利  
天下爲之之說耳○其言豈不加於君子遠庖厨之仁  
○能○人○如○此○心○良○苦○矣○哉○然究不免於君子之嗤而小人之疑者○亦以其徒  
言不可言之仁○言不可行之仁○理而已矣○乃世之儒  
者○猶以民胞物與是從萬物一體言仁而曲爲解之

殊○不○知○萬○物○一○體○可○言○而○民○胞○物○與○不○可○言○者○其○言○  
萬○物○者○物○也○其○言○一○体○者○已○也○以○萬○物○之○体○與○一○已○  
之○体○而○一○之○者○以○已○與○物○相○對○而○言○之○也○人○之○不○仁○  
莫○大○於○有○已○尤○莫○大○於○止○知○有○已○不○知○有○物○已○所○不○  
欲○勿○施○於○人○去○已○私○斯○能○公○萬○物○所○謂○萬○物○者○不○論○  
其○物○之○爲○親○爲○疎○爲○貴○爲○賤○苟○不○能○去○已○私○必○不○能○  
公○萬○物○而○一○体○之○也○苟○能○去○已○私○公○萬○物○而○無○不○推○  
已○之○一○体○而○体○之○其○所○体○之○親○者○自○以○親○体○之○疎○者○  
自○以○疎○体○之○貴○者○賤○者○自○各○以○貴○賤○体○之○者○自○若○也○

故對已而言以其有已也可言一體一體者已之一  
體也舍已而言以其皆物也不可言一體者也以已  
之一體推以與萬物是萬物之一體非我之一體也  
以一萬物爲萬物一體是不以萬物與一體分已  
與物而言之也我視兄弟兄弟一物也民亦一物也  
我視朋友朋友一物也物亦一物也我視父母父母  
亦物也猶天地亦可言物父母亦萬物之一物也苟  
舍已而言物皆以萬物一體視之無非吾父母兄弟  
朋友矣雖欲推以及之必有不能及之者矣此墨釋

二氏之言仁止知理一而不知分殊止知言分殊之  
敝○不足以盡仁而不知其言理一之敝○雖求爲分殊  
之仁而不可得者哉○惟聖人以我對萬物言之○則我  
亦一物也○物亦一我也○我之體猶物之體也○物之體  
猶我之體也○我所不可加於物○猶物所不可加於我  
也○物所不能受於我○猶我所不能受於物也○克已而  
物一體矣○推已而物一體矣○至能克之而能推之○又  
何有民之父母兄弟朋友而不能由一已而推以及  
之哉○若徒以物視物○不言仁民○則已○苟言仁民○必視



如同胞始足以仁民不言愛物則已。苟言愛物必視  
如吾與始足以愛物是止知有物而不知有已。止知  
有同胞吾與之物。吾胞與之而有當於仁。不知有同  
胞吾與之已。吾不胞與之而非無當於仁。胞與之而  
非有當於仁。雖子貢博施爲仁。宰我從井爲仁。夫子  
猶弗許之。而况西銘之言尤與孔孟參差。安能不引  
賢知之過爲橫渠之過也哉。

看得聖人仁道如寶珠光明四面澄徹。雖纖塵掃  
淨。况翳蔽如泥滓而能容之耶。至言止知分殊之  
做。不知理一之做。求爲分殊而不可得。雖使伊川  
見之亦應心折。

太極圖說辨性論二十二

或曰程氏言性謂人生而靜以上不容說豈非以孔子不恆言性孟子言性止言情而云不容說耶又謂論性不論氣不備論氣不論性不明孔孟論性未嘗及氣質如繼善成性天命謂性人無不善水無不下以性論性而已程氏必兼論氣質吾子謂與孔孟參差殆以是歟余曰固也程氏兼氣質言性紫陽亦謂其發千古聖人未盡之意似以其說爲至精至密矣而不知其所謂精密乃愈流於粗疎亦賢知之過於

孔孟言性之理勿合也何以言之孔孟止從人性淺  
露言之○所以有不可問之說○不知不言深微而深微  
在其中○程氏必指人性深微言之○所以有不容說之  
說○止知深微是性○不知淺露是性○於淺露失之○并深  
微而失之矣○書曰維皇上帝降衷於下民○若有恆性  
此言性之本也○詩言天生蒸民有物有則○禮言人生  
而靜天之性也○孔孟本此言性○千古聖賢如合一轍  
自子貢有不可得聞之言○遂謂性道精微○非言說可  
盡而不知非此之謂也○天下有一人具一性○百千萬

不將不奔說三宗破得明性從何處說○是

億人各具一性。天之生人不齊。生物亦不齊。均賦性於有氣有質之中。雖無知如草木。亦若有之。而況於人乎。故仰而可見者天也。俯而可見者地也。人之生受天而有氣。受地而有質。受天地所自爲命。而賦人者爲性。能知能覺者性也。能運能動者氣也。質也。經書所說何其明白了。徹如此。有何不容說之有哉。夫舍明白了徹之說。不說而反從異端曲學之說。說之牽引糾纏。比擬較量。究不能了之。徹之。反謂人生而靜。以上不容說。豈從古聖人言性止能言人生而靜。

以後之性不能言人生而靜以前之性乎且聖人既

釋子執拂登壇必持一盤從前自謂一語據之

已言人生以後之性矣所言之性是性耶則人生以

後是性人生以前之性亦即是性矣如非性耶則人

生以後所說者非性即推之人生以前所不說者亦

非性矣天下真有絕知大過前人之入正當取人生

以後之說明非言性之至而取人生以前所不容說

者說之使天下共明惟此為言性之至此其為發前

聖所未發有功於性教為甚大若止以人生而後言

性為未足而吾所為人生而靜以上者吾能言其不

性為未足而吾所為人生而靜以上者吾能言其不

性為未足而吾所為人生而靜以上者吾能言其不

性為未足而吾所為人生而靜以上者吾能言其不

性為未足而吾所為人生而靜以上者吾能言其不

性為未足而吾所為人生而靜以上者吾能言其不

性為未足而吾所為人生而靜以上者吾能言其不

性為未足而吾所為人生而靜以上者吾能言其不

性為未足而吾所為人生而靜以上者吾能言其不

性為未足而吾所為人生而靜以上者吾能言其不

性為未足而吾所為人生而靜以上者吾能言其不

性為未足而吾所為人生而靜以上者吾能言其不

容說不能知其不容說而說之亦何取乎不容說及  
纔說性便已不是性之語以疑天下言性之人且疑  
天下本從古聖人言性之說乎况人生而靜以上從  
古聖人既已說之矣豈降衷恆性繼善成性諸說皆  
非溯本窮源之說俱屬尋流逐末之說乎如徒以子  
貢不可聞爲口實不知子貢所爲不可聞不過以性  
與天道不若夫子威儀文辭一本詩書執禮時得而  
言之時得而聞之豈真以夫子有所隱秘而不輕以  
示人也耶且夫子所爲性與天道卽降衷恆性繼善

成性天之賦人人之受天止此一理而已人但當於人倫天德孝弟忠信自弟子以至成人終其身由之是卽性與天道也其知者能知之謂之知性知天可也其愚者不知之苟其所爲自在性與天道中不著不察亦可也其賢者能行之謂之存心養性以事天可也其不肖者不能行之苟其所爲不越性與天道外終身由之不知其道亦可也聖人之教及門如此其教天下人亦如此而不知教人以性與天道已盡於此矣使聖人必日提其門弟子而誨之曰此性也

此命也。此天道也。雖累數百千萬言。究不出古聖人相傳一二語之大旨。而謂又別有所爲。不輕示之言。不易傳之理。吾得而言之。發之。必無之事也。故孔子生平論說。志道據德。皆言性也。求仁徙義。皆言性也。入孝出弟。皆言性也。忠君信友。皆言性也。齊治均平。皆言性也。以至一事一理一言一動。隨所當爲而爲之。皆言性也。是夫子無日不言性。無日不言天道。無事不言性。無事不言天道。徒以子貢一語。遂以爲精微不言之理。而疑之不已。惑乎自堯舜禹湯文武不



作孔孟之道中衰小儒曲學見天下由道者少畔道者多爲善固天性習惡若自然告子荀卿之徒不能

切中諸家論性病根

窮天道之大原通人性之大本執文武興民好善幽厲與民好暴之見遂以性爲可以爲善可以爲不善當之執堯爲君而有象瞽爲父而有舜之見遂以有性善有性不善當之有見於矯揉之爲性也則以杞柳湍水喻之有見於生之謂性也則不難以犬性猶牛牛性猶人比而同之有見於性爲渾淪之物也則以無善無不善歸之以至言性惡言善惡混游談談

說紛紜莫定數百千年以來求如孟子與時人反復  
辨難卒歸於孔子繼善成性而正之者不可復得矣  
有宋諸儒論性其有見於孔孟真傳無疑似夾雜者  
如天賦爲命人受爲性與五經四子書不悖者固多  
其他與孔孟論性若合若離由其徒以言語窺測聖  
人信所言不能信所不言疑所不言遂至并疑所已  
言非真有聖人不惑之知解如快刀利刃遇百家之  
糾紛繆亂○劃然剖之○此程氏論性○與橫渠所見畧同○  
反爲異端曲學牽引之明驗也○且從來言性諸儒旁

見側出不能直見性體者止知氣質而不能知性止

此○三○語○最○平○實○于○古○上○人○能○知○之○于○古○下○人○不○能

言之

揭出氣質二字當知氣質與性○譬若淄澠涇渭同一  
水而清濁自分○使孔孟言性不言氣質言氣質不言  
性之故○曉然其明○而諸家小智穿鑿之說○雲消霧釋  
性理千古常明於天下矣○不意程氏反欲合性與氣  
質爲一而論之○橫渠亦於氣質下加之性二字○紫陽  
不得不以天地之性氣質之性爲萬殊一本一本萬  
殊之說○解之推其論性之所本○不過從告子生之謂

性○及無善無不善之說○似出孟子言性○諸儒言氣質  
之上○又若佛氏能空其性○爲獨得之○遂有味乎其言○  
而取以立說○噫○過矣○夫從古聖賢論性○如降衷恆性  
蒸民物則人生而靜○繼善成性○性相近也○天命謂性  
乃若其情人○無不善○皆言性不言氣質○以言性不可  
兼氣質而言之也○如生知學知○困而知之○安行利行  
性導常經書語一○到點破如雪開見日  
勉強而行○上知下愚○中人上下雖愚○必明雖柔必強  
堯舜性之○湯武反之○行之不著習矣○不察皆言氣質  
不言性○以言氣質不可兼性而言之也○故言性可合

上知中人下愚而言者以性論性性止一性與氣質  
無與也言氣質不可合上知中人下愚而言者以氣  
質論氣質不止一氣質與性無與也性者氣之主也  
人之有性猶天之有命也天以命主乎氣日月不過  
四時不忒其恆久也如是然日月有時而薄蝕四時  
有時而災沴亦其氣爲之而天之所以爲天雖變而  
不易其常有命以主宰之也人受天之氣地之質而  
爲人有昏明強弱之不同天雖欲均之齊之而不能  
均之齊之者亦無可如何之勢也然天以自主之命

流行於人生氣質之中。使有是性以主之。雖明與強之人。得之而爲君子。卽昏與弱之人。得之而不爲小人。此豈與所受於天之氣質可比勢齊量而論之者乎。如性與氣質可比勢齊量而論之。是何異國不統於君。師不統於帥。古聖人本天言道。首以率性教人。不可爲訓於天下矣。此余所謂從古聖人言性不兼氣質而言之說也。若夫人之有氣。猶天之有氣也。以氣視質。氣爲精微矣。以性視氣。性尤爲精微矣。然而性非氣不足以行。非質不足以立。是性與氣質又相

合而不可離者矣。不知性與氣質本相合而不可離。性與氣質又相反而不可雜者也。譬諸烟生於火而足以滅火。冰生於水而足以滯水。氣質之爲性累。又無可如何者也。惟以性爲主。能帥吾氣質而從之。不以氣質爲主。反得帥吾性而從之。斯天下之明者益明。强者益强。而爲君子。昏不終昏。弱不終弱。而不終流於小人。故氣質之於人。如分定而限之者。天無如人何也。人亦無如天何也。雖上而帝王。下而聖人。無如天何。亦無如人何也。然性與天命同出一原。人之

能自主者惟此帝王聖賢。能教人以自主者惟此。雖有聖人至明至強。一以道心制人心。雖甚庸人至昏至弱。一以天理防人欲。苟能予性以權。而主之氣質之美惡不足言也。人止知氣質與性俱來。而不知其

美惡○二字

與善○惡相去天淵

爲必變必化之物。非若吾性可率可由之物也。此氣質之所以不可兼性而言之也。惟兼性而言之。所以有性善性不善之說。有性可爲善性可爲不善之說。遂有無善無不善之說。此皆天下言性之人也。皆天下兼氣質言性之人也。且直以氣質爲性而言之之



人也。使其說中於人心而莫爲正之。雖有帝王之治。○  
○生○心○害○政○○子○與○非○惡○疑○  
無以爲治。雖有聖人之教。無以爲教。邪說誣民。人欲  
熾而天理滅。不至同人道於牛馬。○  
比父子有何親。○  
不止矣。○  
自晉魏以來。人心放失。至於今而未有已。乃從  
事孔孟之徒。猶欲以性合氣質而說之。亦獨何哉。此  
余所謂從古聖人言氣質不兼性而言之之說也。○

聖賢性道教人真如大路一條。直指無隱異端曲  
學。吞吐曲折。示人以難。二氏爲尤甚。宋儒言語極  
分明處。必帶模糊。墜入二氏窟中。不自覺也。桂山  
於千古蒙茸一道。披荆剪棘。剗然剖開。此等筆力。  
直是鉅靈神斧。

太極圖說辨性論二十三

或曰程氏必以氣質言性者奈何余曰程氏所本不過告子言性之說而已其言曰生之謂性氣卽性性卽氣生之謂也是以性與氣二名而同實殊用而一體矣又曰人生氣稟理有善惡是不以性言善惡而以氣言善惡矣不以性之是善是惡明善惡以善惡之理屬之直以氣之有善有惡分善惡以善惡之理屬之矣又曰不是性中原有兩物相對而生是言性中無善無惡惡固不從性來善亦不從性來也又曰

有自幼而善自幼而惡取后稷羊舌氏二人實之明  
氣稟之生而有之以氣稟之生而有之即可謂性  
之生而有之也故直接善固是性惡亦不可不謂性  
以人之氣稟自幼已然氣稟善者性亦隨之而善氣  
稟惡者性亦隨之而惡人生氣質爲主而性亦隨之  
性○能○欲○堅○如○破○竹○通○刃○而○解○若○此○  
也止言氣質而不及性也雖及之猶不及也蓋程氏  
自有所謂性之爲性者故曰人生而靜以上不容說  
纔說性便已不是性也然而告子言性猶知以知覺  
說性運動說氣程氏直以人生氣稟理有善惡不獨

惡不屬性善亦不屬性矣夫聖人言性善異端言性  
惡其旨相反從未有不屬性而言之從未有屬氣質  
而言之者也蓋氣質者無知之物也性者有知之物  
也天之氣天之命主之人之氣人之性主之也以草  
木無知之氣質視人物有知之氣質則有知之氣質  
似靈矣以人物有知之氣質視人物有知之性覺則  
性覺尤靈而不知氣質亦何知之有哉氣質之知知  
于性覺耳此可知人之不能舍性覺之有知如無知  
而以氣質之無知爲有知可知矣故孟子言性善不

徒以性之本善歸之。卽以性之能善歸之。卽以性之

將性之根苗剔出方可論性。

知善歸之。荀卿雖反性言惡。其背道爲甚。猶知以性

之本惡歸之。卽以性之能惡歸之。卽以性之知惡歸

之。今程氏以善惡歸氣質。不徒以性之本善本惡歸

之。卽性之能善能惡亦歸之。性之知善知惡亦歸之

矣。夫氣質之爲氣質。何爲者。耶。人受天地陰陽五行

之氣。以生其質。爲耳目口體。其氣爲臭味聲色。其大

端不離乎飲食男女者。近是其爲物也。豈有知有覺

之性。可得比而論之者。耶。不可得比而論之者。耶。從

氣之輕清言之則爲善矣從氣之重濁言之則爲惡矣從其與性相資言之則爲善矣從其與性相反言之則爲惡矣然此亦止可以美惡言不可以善惡言分疏精細卽以善惡言亦止就氣質之本體而言氣質善氣質惡而已猶人一身頭目手足皆氣質也頭目輕清而居上以貴與美屬之手足重濁而居下以賤與惡屬之也非謂氣質中原有此善之理能使人受之而爲善人原有此惡之理能使人受之而爲惡人也若以理有善惡屬之是氣質善者不必有性而自善氣質

理有善惡四字具不可解

惡者卽有性而亦不必善矣又僅以后稷羊舌氏自  
効善惡者言之○一似氣質生而天定與性若無與焉  
者○舉天下幼而后稷長而未必不羊舌幼而羊舌長  
而未必不后稷不知是其人之氣質自變自化而然  
○字○字○新○喝○知○笑○而○道○之○  
耶抑亦別有性以變之化之而然耶又恐天下之言  
性者未必不以人之爲善爲惡終不得徒屬之氣質  
也○不得不由氣質之善而推以與性曰善固是性又  
不得不由氣質之惡而推以與性曰惡亦不得不謂  
之性○嗚呼善固是性者○聖人之言也○有善有惡有惡

無善無善無惡者○異端曲學之言也○程氏本無善無  
惡○言性安得不以有善有惡歸氣質○歸氣質而氣質  
不任受也○又安得不仍歸諸性○歸諸性而性任受善  
不在受惡○又安得獨以任受善者歸之○而以不任受  
惡者不歸之○勢不得不分性而二之一○爲不任受惡  
不任受善之性一○爲任受善并任受惡之性哉○噫從  
有也  
古大聖賢人止言性○不言氣質○而程氏言性○必兼氣  
質○從古大聖賢人言性○止以善歸性○今程氏言性○并  
以惡歸性○從古大聖賢人言性○以一性明性之理○而



有餘今程氏言性以二性明性之理而不足豈其然哉然程氏終以性爲不容說故雖說猶不說也又言曰凡人說性只是說繼之者善孟子曰人性善是也所謂繼之者善猶水流而就下也其言凡人天下之人也以明非程氏之說性也夫水流而就下孟子之以水喻性也水也者性之喻也下也者善之喻也故曰人無不善水無不下今程氏之言水流就下其言則孟子之言其旨非孟子之旨也有流而至海終無所污不煩人力者一水也有流而未遠則已漸濁者

一水也有出而甚遠方有所濁者一水也有濁之多者有濁之少者皆水也夫一水猶一性也性止一性水止一水也若此分清分濁水有數水是性有數性矣孟子言性止一水言善止一下故性如一水不問其水之清濁止知水之清者是性而濁者非性以濁者原非水之原本也善如一下不問其水之遠近止知水之無遠無近上而不下其清而無污者是水之善清而爲所污者非水之不善以清而爲所污者亦非水之原本也故搏而過潁激而在山有所使之遠

而自清近而卽濁亦有所使之皆與水無與與性無與也。今言在清則水清在濁則水濁不以遠近之清濁論清濁而反以水之本清流遠流近而水亦因之有清濁者一歸諸水而言水之清并言水之濁程氏之以水喻性雖曰言性直言氣質而已矣是則以其人氣質之不善遂以其性與同罪而無以別之不可也。若以其人爲不善乃氣質使然與性無與而必不以罪歸之是性也。雖欲委氣質而逃其罪焉又烏可得哉。故曰濁者不可不爲水。猶言不善亦不可不爲

論性與氣質○糾纏微案一旦而○定是善心開○目明

○人人與首

性云爾。自不得不曰必加澄治之功夫。言必澄必治。猶言必變必化。亦止爲氣質言之者也。若程氏以水喻性。其言澄治。猶言性之必加澄治也。從古大聖賢人言性。止言知其性。養其性。盡其性。不問言變化其性也。嗟乎。性之爲性。猶水之爲水。是必澄之治之而始爲水。變之化之而始爲性者哉。又不得不言其澄之治之也。不是將清來換却濁。亦不是取濁來置在一隅。苟如是而言澄治。又不歸諸性而歸諸氣質矣。然則其澄之治之。猶言變之化之。非以其人有善有

惡之氣質。自變化其氣質。自必以其人有善有惡。氣質之性。自變化其氣質。以復其性矣。夫以其人有善有惡之氣質。自變化其氣質。其氣質之善者。固不足恃。其氣質之惡者。尤不足恃。此必無之理也。惟借有善有惡之性。猶有清有濁之水。所爲氣質之性者。予以變之化之之權。庶幾可收澄治之效耳。夫人之有是氣質也。其所稟善者。未必不終惡。所稟惡者。未必不終善。猶可以言澄之治之者。以其本無知也。今乃以無知之物。而又以有知之性入之。自必視氣質之

無知者有加矣。人生有此無知之氣質。其爲不善也。雖有有知之性。在吾氣質之外。尚不足以變之化之。

惟骨吸髓之換甚于痛癢

今既入之氣質之中。不徒曰氣質。而曰氣質之性。是氣質與性合而爲一矣。氣質之有善有惡。卽性之有善有惡矣。氣質之不得與性比勢而齊量者。亦可得比勢而齊量矣。其助吾氣質爲善。必不足而助吾氣質爲不善。且有餘。然則程氏之言澄治。亦徒言澄治而已。烏足以澄之治之。猶言變化。亦徒言變化而已。烏足以變之化之哉。自不能不取所爲澄治者而代。

爲思之自不能不取所爲天地之性在氣質之性之外者非此變之化之必不可得而變之化之矣蓋以

萬里（昆崙北）爲歸

人之性固生而有之氣質亦生而有之生而有知者謂之性生而無知者謂之氣質不謂之性故以有知治無知而有知不淪於無知以無知受治於有知而無知且化於有知自非程氏所爲天命之性不爲功矣乃程氏所言天命之性又不容說之性也所謂性中原無善惡兩物相對而生猶水之本清不是將清來換却濁不是將濁來取置一隅是無善無惡纖毫

不○染○之○性○非○從○古○大○聖○賢○人○所○爲○有○善○無○不○善○之○性○  
止○有○性○之○本○善○治○不○善○之○性○乃○一○無○思○無○爲○寂○然○不○  
動○必○氣○質○已○澄○已○治○之○後○而○自○見○之○性○也○故○又○申○言○  
水○之○清○性○之○善○也○不○是○善○惡○兩○物○相○對○在○性○中○各○自○  
出○來○此○理○卽○天○命○我○無○加○損○焉○引○舜○有○天○下○而○不○與○  
以○明○吾○天○地○之○性○本○無○加○損○而○無○所○與○焉○者○也○及○問○  
人○性○本○明○何○以○有○蔽○又○止○言○氣○稟○不○齊○亦○不○過○學○以○  
勝○其○氣○復○其○性○而○已○終○不○言○勝○之○復○之○以○何○爲○主○而○  
本○以○爲○學○者○安○在○也○夫○從○古○聖○賢○言○變○化○氣○質○之○理○



所謂學以勝之而復之者其功無所不至一惟本天  
命之性爲主以勝之復之今程氏止言學以勝之復  
之終不以勝之復之之權歸天命之性以爲之主者  
以彼之所謂天命之性乃告子無善無不善之性佛  
氏心無其心性無其性之性所謂人生而靜以上不  
容說之性可言學以勝之不可言本吾無善無不善  
心無其心性無其性之性以勝之可言學以復之不  
可言本吾無善無不善心無其心性無其性之性以  
復之以無善無不善之性無所加於勝之復之心無

其○心○性○無○其○性○之○性○無○所○與○於○勝○之○復○之○者○也○所○謂○  
纔○說○性○便○已○不○是○性○之○說○也○然○而○天○下○之○氣○質○未○有○  
不○學○而○能○勝○之○者○也○天○下○之○性○未○有○不○學○以○勝○之○而○  
能○復○之○者○也○其○所○爲○勝○之○復○之○者○果○安○在○乎○亦○不○過○  
謂○人○有○生○來○止○有○識○取○無○善○無○不○善○之○性○以○存○吾○本○  
覺○至○其○所○爲○耳○目○口○體○臭○味○聲○色○一○切○有○爲○與○生○俱○  
來○者○亦○如○釋○氏○惟○禁○之○絕○之○祛○之○掃○之○一○念○不○動○湛○  
然○守○之○而○已○有○澄○治○之○名○不○必○有○澄○治○之○實○無○澄○治○  
之○多○方○收○澄○治○之○捷○效○此○禪○家○所○爲○直○指○人○心○坐○而○

見性之大旨。程氏本告子言性。自爲得其義蘊。發從古聖賢所未發者此也。

自孔孟而後言性無一是者。皆由不識氣質二字。宋儒言性。頗欲將性字剔出氣質外。止因不識氣質是無知之物。遂將能運能動。認作能知能覺。遂將性字硬推入氣質中。又將佛氏性空。認爲說性最上妙旨。不欲推入氣質中。反復糾纏。何異認賊作子。桂山一一翻剝。將氣質之性。從空提出層層剝透。使無一字依傍着落處。而性自性。氣質自氣質。始明真性理中最上乘文字。

太極圖說辨性論二十四

然則程氏本此以言性明與孔孟有殊旨亦何所見  
而必如是以立言耶余曰自古大聖賢人之以善歸  
性而言之也○豈其明知性爲有善有不善○無善無不  
善之物而必以善之一言盡之哉○而不知善之爲言  
言之至善之爲理○理之至也○其爲言之至理之至者  
非徒以人之性言人之性也○推本於天之命而言之  
也○人不能信人性無不善○有不信天之命無不善者  
乎○非徒以人之人倫天德在人性者言之也○推其一

○無○字○子○從○秋○源○上○發○

本於天之日月四時恆久不已而言之也人不能信  
吾人倫天德之無不善有不信天之日月不過四時  
不惑如是其恆久不已而無不善者乎且言性善者  
古之帝王大聖賢人無不如合一轍而言之使其所  
爲善者堯舜如是湯武未必如是是湯武之性必有  
不如堯舜之處雖相去無多亦必有微虧其性體者  
矣推之賢智之與愚不肖上知之與下愚其相去之  
分又可以道里計哉乃聖如堯舜視天下智愚賢不  
肖其人不必如吾之人其性無一不如吾之性况湯

武之反○之者乎○使天下之人○有一不如堯舜之性○何  
以堯舜爲聖人○不過自盡其孝弟○天下之人○豈必皆  
堯舜○亦必使盡其孝弟○何以堯舜爲聖人○不過自盡  
其仁義○天下之人○豈必皆堯舜○亦必使盡其仁義○所  
爲能盡其性○必能盡人之性○以親九族○而九族親○以  
平百姓○而百姓平○以和萬邦○而萬邦和○豈堯舜一人  
之性○可以率天下億萬人之性哉○亦億萬人自率其  
性而已○亦億萬人一如堯舜之性能如堯舜之自率  
者○有以率之而已○卽瞽之不慈○象之不弟○丹朱商均

之不肖而底豫者底豫忸怩者忸怩朱均不肖不足  
傳天下終不得以性惡歸之夫是以聖人在上自一  
家以至一國以至天下蠻貊島服之人無不遵其道  
而率之聖人在下自賢智以及中才以及顓蒙椎魯  
之徒莫不從其教以成之古之聖人亦何所恃而能  
如是哉恃人與吾同此性焉耳同此善焉耳今儒者  
生堯舜禹湯文武周公孔孟而後又本天道人道而  
言性命必不以言善言無不善言性而必以有善有  
不善無善無不善諸說言性吾不知其何疑於性何

非與疑與○善○否○發○此○非○善○之○言○

惡○於○性○抑○何○疑○於○天○何○惡○於○天○而○必○與○古○聖○人○言○性○  
如○分○道○而○馳○者○亦○獨○何○哉○究○之○諸○儒○雜○說○反○復○求○之○  
有○何○說○爲○明○心○見○性○之○說○何○人○爲○明○心○見○性○之○人○耶○  
然○人○止○謂○其○不○知○性○之○爲○性○而○已○而○不○知○其○并○不○知○  
氣○質○之○爲○氣○質○爲○何○如○也○人○止○謂○其○不○知○氣○質○之○善○  
惡○非○性○之○善○惡○而○已○而○不○知○并○性○與○氣○質○所○爲○善○惡○  
之○善○惡○亦○未○嘗○知○之○也○子○以○人○生○所○謂○善○之○爲○善○何○  
如○者○耶○夫○善○之○爲○善○非○天○之○所○爲○善○人○雖○以○爲○善○弗○  
善○也○人○之○善○卽○天○之○善○人○人○得○而○有○之○者○也○其○所○爲○



惡者非謂善之本天而有之惡亦本天而有之也所  
謂○新○若○惡○三○字○使○人○人○自○知○其○所○由○來○  
謂惡者反乎善之謂也反乎天之善卽爲惡之謂也  
莫大於從人欲而反天理之謂也人孰不知天理之  
謂善人欲之謂惡乎人欲之大莫如飲食男女人讓  
一食則爲善矣人奪一食則爲惡矣人却一色則爲  
善矣人攘一色則爲惡矣夫辭讓之心受惡受下人  
皆有之民之失德乾餽以愆飢寒迫之者多矣羞惡  
之心父母媒妁人皆有之人之無良鴽奔鵠驅怨曠  
使之者多矣卽人自孩提愛敬良知良能人皆有之

及其長大○私妻子而不顧其養○未有不由食色而喪○  
其天良者也○如人性果有善有不善○是少時有知愛○  
知敬之孩提○少時卽有不知愛○不知敬之孩提○不待○  
指點如是能令頑石點頭

貨財妻子而失之矣○是一人有知讓知却○有是良心○  
一人有不知讓不知却○無是良心○不待飢寒怨曠而○  
失之矣○然後知天之爲天○一有善無不善之天也○人○  
之爲人○一有善無不善之人也○以命之爲命○性之爲○  
性○一有善無不善之性命也○乃諸儒紛紛然終若不○  
能無疑於性○無惡於性○而訾議未有已者○亦徒爲人○

生○之○氣○質○不○可○得○而○齊○一○者○遂○謂○人○生○之○有○性○亦○不○  
可○得○而○齊○一○耳○夫○氣○質○之○所○爲○氣○質○不○過○此○耳○目○口○  
體○大○欲○存○焉○者○推○其○與○生○俱○來○雖○不○得○與○性○論○善○不○  
善○然○亦○未○可○遽○謂○之○惡○也○古○之○聖○人○知○其○與○性○相○資○  
則○爲○君○子○與○性○相○反○則○爲○小○人○然○亦○知○其○與○性○相○資○  
而○爲○君○子○者○惟○此○性○足○以○制○之○與○性○相○反○而○爲○小○人○  
者○亦○惟○此○性○足○以○制○之○也○以○人○之○性○自○有○此○側○隱○辭○  
讓○羞○惡○是○非○發○乎○至○性○之○中○行○乎○大○欲○之○內○未○有○不○  
足○以○主○之○而○制○之○者○也○其○不○能○主○之○而○制○之○非○性○之○

過氣質之過也。非氣質從欲之過。乃人不能從性而從欲之過也。然而聖人知人之多不能自主而自制之也。又必代爲之主而制之。以養以教。所爲因其性以變化其氣質者。又何如也。惟在上之人失其所以養之教之。而後蚩蚩之民無以養其欲而給其求求之不得而貪生貪之不得而忍生忍之不得而殘殺生不流於元惡大憝而不已。非獨其性之本然失之。卽氣質之本然并失之矣。古之大聖賢人終不以其性之失。由氣質之故而歸獄之也。必曰民之爲道也。

有恆產者有恆心○無恆產者無恆心○陷罪而刑之○必引而責之○已者○非恕從欲之惡人○哀其人○以不變不化之故○喪其良心○而入於禽獸也○由是觀之○人之有性○亦豈有纖毫不善夾雜於性中者哉○大欲之所存○大爭之所在○卽大慙大惡大兵大獄之所從出也○天下之大慙大惡莫甚於臣弑君○尤莫甚於子弑父○如春秋蔡般莒僕楚商臣之徒○有不由嬖寵內亂構此彌天大孽者乎○聖人歎其由來者漸○辨之不早○辨其大旨反若尤其君父者○非寬元惡大慙亦謂極人欲○

之○凶○禍○不○過○失○天○理○之○制○防○苟○能○從○所○由○來○而○早○辨○  
之○必○不○至○潰○亂○若○此○之○甚○也○此○可○知○從○古○聖○人○雖○極○  
惡○之○人○終○不○以○其○人○之○氣○質○爲○必○不○可○變○化○之○物○而○  
孳孳然有望於人者非爲其性之本善而若是哉而  
程氏之論性論氣質與橫渠氣質之性之說明與聖  
人相刺繆<sub>此</sub>爲告子佛氏之說說牽引而不知其非  
則何也

極平實之言至切當之理疊疊言之如聞所未聞  
吾嘗讀其文而譬之真如世人終其身俛首在日

下行止見光明而已不知此光明從何處來只煩  
桂山向上一指卽此便是乃始見日真可歎也

太極圖說論卷之五

太極圖說辨性論二十五

或曰告子無善無不善之說孟子未嘗直取其說而破之佛氏心無其心性無其性孔孟千數百年後其說始入中國未嘗奉教於大聖賢人正其迷繆諸儒遂若前古聖賢猶未見及此本以立說吾子稱引五經四子書辨之此固張程所傳習久矣豈其一間未達明與孔孟立說有殊自謂發從來未盡之意假使起張程而面質之能令心折焉否耶余曰泰山之高



也○遠而望之耳○非身登其巔○不可謂真知其高也○至中坂有巔○爲無以復加而止焉○人止知其蔽于中坂之巔○妙喻不知由其不能真知泰山之巔○見中坂之巔○遂有觀止之歎也○此其說○卽余前言諸儒信而好古○不及孔子之說也○故其本無善無不善論性不獨從其說而有疑于性○且從其說而若有甚惡乎性者○然如程氏言禽獸與人絕相似○然其性却自然○不待學○不待教○如營巢養子之類○人雖甚靈○斷喪極多○惟嬰兒飲乳是自然○非學其他皆誘之也○夫以人性受于天

本于命其知覺之靈始于孩提愛敬之良知良能極于聖人贊育之大德大業何一不本吾性之自然而有之今止以飲乳一事爲自然其他皆誘之是人自免懷以後愛親敬長參天育物皆非自然皆可謂誘之矣誘之爲言以其非本自然而爲之必教之學之勉然而爲之也誘之爲言卽老氏人性所爲一切皆僞之說也卽釋氏人性所爲一切皆妄之說也彼二氏以有生來一切本吾性所爲皆僞皆妄自必以彼有生以前有生以後一切無爲皆真皆實矣程氏論

性至此不覺喟然太息于人之性反不如禽獸之性也禽獸不待教不待學人必待教待學禽獸營巢養子莫非不教不學之知能人舍飲乳孰非必教必學之知能禽獸終其身爲禽獸乃不斲不喪其天真之禽獸人終其身爲人乃日斲日喪其天真之人故禽獸生死一無善無不善之禽獸人之生死一有善有不善之人以禽獸無誘而人皆有以誘之也故人之爲人其爲聖人爲君子爲賢智之人皆有所誘之而爲善之人其爲惡人爲小人爲愚不肖之人皆有所

誘○之○而○爲○不○善○之○人○而○性○之○所○爲○無○善○無○不○善○者○自○  
若○也○爲○此○說○者○止○因○告○子○無○善○無○不○善○之○說○孟○子○既○  
未○嘗○一○取○而○論○辨○之○而○告○子○又○未○嘗○直○指○此○性○本○來○  
所○以○無○善○無○不○善○之○故○止○能○言○杞○柳○爲○栢○櫟○湍○水○決○  
東○西○生○之○謂○性○食○色○性○也○諸○說○無○非○指○人○生○而○後○所○  
謂○非○本○然○而○誘○之○者○言○之○孟○子○亦○卽○以○人○生○而○後○是○  
本○然○而○非○誘○之○者○折○之○耳○今○程○氏○既○主○其○說○不○得○不○  
取○一○人○生○而○靜○不○容○說○者○說○之○自○必○本○佛○氏○自○無○始○  
來○本○無○一○物○卽○心○尚○無○心○性○尚○無○性○况○六○根○八○識○尤○

爲人生孽障之說說之蓋佛氏之教其弟子亦如程氏所爲不容說而不說者也故其弟子之能悟者亦其師以爲悟而可之非人人皆得知其悟而可之也其疑者亦其師以爲疑而不可之非人人皆得知其疑而不可之也所爲無上秘密之旨可以口傳可以心傳而不可以語言文字傳一切呪觔多胡語不可翻譯皆不可說而說之卽說之而猶夫不可說也程氏以爲吾欲本其旨以發其義又安可徒如佛氏說猶不說無所徵驗之言以說之自非取一可徵可驗

者言之其事其理如指諸掌何以使人曉然心悟而  
悅服之耶故特以人與禽獸相比擬使禽獸之本來  
無善無不善見人之本來無善無不善亦見而佛氏  
心無其心性無其性之說亦見矣余嘗由其言而推  
之彼以營巢養子言禽獸之性然可也言禽獸性之  
有知而然亦可也○以言禽獸有此性此知即謂禽獸  
○知○此○破○解○破○曰○當○空○無○處○續○析○  
此性此知之善不善而然不可也如鳩之不能營巢  
鶴之不能養子不可遂謂禽獸有性不善即莫不營  
巢不若鳩之不能營巢莫不養子不若鶴之不能養

子○遂○謂○禽○獸○有○善○無○不○善○亦○不○可○也○以○營○巢○養○子○可○  
以○性○言○不○可○以○善○不○善○言○也○人○之○嬰○兒○飲○乳○自○然○非○  
學○雖○謂○之○出○于○性○出○于○性○之○知○不○得○以○性○之○善○不○善○  
言○之○亦○猶○是○也○蓋○飲○乳○自○然○固○不○可○歸○之○不○善○性○本○  
無○不○善○也○若○卽○歸○之○以○善○是○性○又○本○善○矣○此○程○氏○不○  
從○人○生○後○誘○之○者○說○而○從○人○生○初○自○然○無○所○誘○者○說○  
使○人○知○嬰○兒○飲○乳○而○外○不○獨○知○愛○知○敬○非○生○而○有○之○  
凡○嬰○兒○之○知○覺○運○動○古○人○所○稱○生○而○知○之○安○而○行○之○  
稍○一○涉○善○與○不○善○皆○非○生○而○自○然○無○始○以○來○之○本○然○

矣○嗟○乎○千○古○聖○賢○言○性○其○言○有○善○無○不○善○如○此○而○程  
氏○言○性○必○本○無○善○無○不○善○如○此○程○氏○豈○未○嘗○取○而○反  
復○深○思○發○爲○此○論○使○人○讀○其○書○一○如○讀○告○子○佛○氏○之  
書○而○信○者○半○疑○者○半○耶○嗟○乎○此○其○說○以○言○人○生○本○無  
善○不○善○未○爲○不○可○然○非○并○性○而○無○之○并○性○之○知○而○無  
之○猶○未○可○言○也○夫○飲○乳○雖○出○自○然○猶○是○嬰○兒○之○性○猶  
是○嬰○兒○之○性○之○知○是○嬰○兒○自○無○始○來○不○能○不○具○此○性  
此○知○而○來○由○飲○乳○而○充○之○其○性○必○非○飲○乳○之○性○而○已  
也○由○飲○乳○而○充○之○其○性○之○知○必○非○飲○乳○之○知○而○已○也



人徒見嬰兒自飲乳而後由弟子以迄成人知識日益長行能日益茂雖至爲君子爲聖人曾有一事如嬰兒飲乳不待教不待學自然之知能可比類而稱道之耶是止以嬰兒論嬰兒不可以少長論嬰兒不可以成人論嬰兒矣夫少長卽嬰兒之少長成人卽嬰兒之成人而必不可以少長成人與嬰兒並論者以少長成人之知能非嬰兒之知能也夫少長成人之知能固非嬰兒之知能豈少長成人之性覺亦非嬰兒之性覺耶乃必謂飲乳一事是自然其他皆誘

之說亦不必然之理也。今夫木之爲物其始一仁而已。豈有所爲含苞有所爲吐花有所爲結實可得而指數者耶。及其萌芽甲析而含苞者含苞吐花者吐花結實者結實此可爲仁中自具之物耶。不可爲仁中自具之物耶。鳥之爲物其始一卵而已。豈有所爲羽毛有所爲血肉有所爲皮骨可得而指數者耶。及其精滿氣足而羽毛者羽毛血肉者血肉皮骨者皮骨此可爲卵中自具之物耶。不可爲卵中自具之物耶。人自嬰兒離母腹時混沌無知其神完其天全謂

妙喻曲折○舌○上○生○花

飲乳爲自然固自然也然飲則知飽而不飲則知飢  
不飲而飢則知啼飲而既飽則知笑者不可謂非嬰  
兒知覺之性之所由始其他特蘊而未發耳自是而  
教以愛親從兄不可謂非教以誘之使然也然愛之  
從之其心若有安焉者一如飲乳之笑不愛不從其  
心若有不安者一如不飲之啼誰爲爲之耶自是而  
教以謹言信行不可謂非教以誘之使然也然謹之  
信之其始若有所不能及一如不飲之啼謹之信之  
其後又若有所不能已一如飲乳之笑又誰爲爲之

耶○自是而一年離經辨志三年敬業樂羣九年知類

折○義○不○盡○必○不○能○內○期○外○微

通達純乎教而學之矣然紛華靡麗誘而去之者多

矣其不爲所誘而強立不反者此其○人○徒○恃○有○生○口○

耳○之○功○乎○抑○不○能○不○恃○生○初○性○覺○之○力○乎○自是而其

德爲人倫天德之德其業爲成已成物之業其人爲

至聖至誠之人其與嬰兒相去萬萬矣乃孟子猶追

而稱之曰大人者不失其赤子之心孔子猶謹而重

之曰蒙以養正聖功也亦獨何哉由是言之人之嬰

兒○猶○木○之○始○生○于○仁○禽○之○始○生○于○卵○飲○乳○而○後○無○一

是○嬰○兒○之○事○無○一○非○嬰○兒○自○具○之○事○無○一○是○嬰○兒○之○  
理○無○一○非○嬰○兒○自○具○之○理○其○事○其○理○無○一○非○嬰○兒○待○  
教○而○知○待○學○而○能○之○事○理○又○無○一○非○嬰○兒○教○亦○教○其○  
天○性○自○有○之○知○學○亦○學○其○天○性○自○有○之○能○之○事○理○也○  
猶○木○之○不○見○含○苞○吐○花○結○實○于○仁○中○而○無○不○在○仁○中○  
鳥○之○不○見○羽○毛○血○肉○皮○骨○于○卵○中○而○無○不○在○卵○中○耳○  
然○此○猶○就○人○性○之○本○善○者○見○之○更○有○爲○不○善○而○不○失○  
其○本○善○尤○足○以○見○之○人○自○孩○提○以○後○物○欲○誘○之○孟○子○  
所○謂○喪○其○良○心○斧○斤○伐○木○萌○蘖○殆○盡○矣○而○平○旦○之○氣○

好惡近人從何而生使非本孩提自有之性而欲于物欲充塞中求之必不可得之數矣又若反道敗德九刑不忘一旦悔禍自怨自艾如竺景秀所爲浣灰滌腸抽刀刮胃卒成善士爲世稱歎此又非孩提良知未泯未絕又安有終其身爲不善一旦能悔能遷如是耶此可知人性之有善無不善不以生初而有不以老死而無不以孩提無誘而有不以長大日誘而無此又夫人而知之夫人而能言之也論者謂天地初闢悶悶淳淳一如嬰兒及其風氣漸開真朴日

散老莊之徒皆造物之不仁詆聖人之作僞造爲塞  
人聰明愚人耳目之說以挽之苟如是自渾敦氏以  
來其人之元本日斲日喪如江河日下而流于異類  
不知于何底止矣且風氣之日漓如是生人之日漓  
如是其生嬰兒之日漓亦復如是矣乃卽天地生嬰  
兒者觀之由今茲以溯邃古其神完而天全初未嘗  
以風氣日開少變其始至千淳粹之君子朴茂之小  
人何時無之何地無之此亦足以見天之生物人之  
受生萬古一日無始無初可類而推之矣由是言之

程氏何嘗以嬰兒之性說嬰兒哉亦徒以嬰兒之氣說嬰兒而已矣若如老氏還淳反樸復歸嬰兒之說自必人生終其身爲嬰兒以保其無善無不善之性一日不爲嬰兒則一日有善有不善一日不得有其性矣而老氏陰狡悖逆生于心而發于言者又何多乎哉其能歸嬰兒與不能歸嬰兒又當何如也

凡執一事一理論人論物不能通徹言之皆由見理不真桂山無一語一言不通徹止以一理貫之橫行倒撞頭頭是道此通儒之所以難得



太極圖說辨性論二十六

或曰程氏言犬牛人性不害爲一且有鉛鐵性殊點  
化爲金之說夫禽獸與人其性殊絕矣雖有聖人不  
能以變化人性者變化之豈佛氏以一切含靈皆有  
佛性禽獸死生悉能度之而云然耶余曰儒者而信  
佛氏之說亦徒以其言無而信之耳從事聖人之門  
止能信聖人言有不能信聖人不言無者爲有是無  
耶抑無是無耶故二氏言虛言無一若信其理之本  
有者然夫旣已信之則彼之所爲無者信之矣卽彼

之所爲無而有者亦信之矣卽於彼所爲無而有有  
○玄○百○妙○論○非○嬰○所○及○

而無者亦無不信之矣凡物之性吾儒亦未嘗不以  
與人近者言之然其氣質與性究不可以人之聖凡  
智愚相去無幾者比而論之也聖人能盡物性能使  
物自遂其生自全其性而已佛氏于禽獸其生也謂  
能馴之化之其死也謂能超之度之其所爲馴之化  
之者如鳥之食其掌巢其頂人雖神其說然亦不過  
如劉累之豢龍海客之狎鷗而已耳至禽獸而度爲  
人有自化馬王物亦成佛諸說佛氏從有言無從無

不○言○其○矣○而○矣○自○見

言有無不可隨其意所欲言而言之犬牛人性不害  
爲一鉛鐵性殊點化爲金不過取以証其說之不誣  
耳然而天之生人生物輕清重濁相去不啻倍蓰矣  
天不能使物不從重濁之氣而爲物佛氏獨能使物  
入輕清之氣而爲人是天能生物佛氏能化物天一  
日不知生幾千萬億物而不能使一物化而爲人佛  
氏一日不知化幾千萬億物而能使無物不化而不  
爲物然而天之生人與物百千萬億年如斯矣人猶  
是人也物猶是物也生者可見而化者不可見人雖

由其言無而于其凡言無者無不信之子又何必以  
吾爲不然而始信之耶或曰程氏又言人之于性猶  
器之受光于日日本不動之物夫人之爲人猶日之  
有體也其有性也猶日之有光也體與光二而一者  
也今以人如器器之受光莫如鏡天命之性如日之  
光賦人于氣質之中一如鏡受之而有光是人之氣  
質非天之氣質猶人之器非天之器也其性乃天之  
性非人之性猶鏡之光乃人之光而日之光乃天之  
光也天與人若無與也天之性與人之性又若無與

也此從古言性所未曾有之喻言也嘗有問黃勉齋  
氣質之性形而後有則天地之性乃在未受生以前  
可謂天之命不可謂人之性勉齋答以天命之性未  
嘗不寓氣質之中或以既有此性在氣質中何以形  
而後有之性又有善惡之不同勉齋答以氣有偏正  
性亦隨而偏正或又以如此則性既隨氣質而善惡  
自不復有天地之性矣子思子何以又有未發之中  
之說勉齋又以性固爲氣質所雜矣方其未發此心  
湛然氣雖偏而理自正及感物而動雖至善之理聽

命于氣而善惡判矣其說如此愚謂程子受光之說  
明以器之光日之光而二之矣卽所謂天命之性氣  
質之性是也勉齋以爲天命之性原在氣質之中氣  
有偏正性亦隨而偏正是天命已隨氣質而變又安  
得復有天命本善仍在氣質中耶故以未發爲中詰  
之勉齋又謂未發自正感物而偏是天命之性在氣  
質中止可未發而靜則有之已發而動則此性旣隨  
氣質而善惡矣是徒以一動一靜分氣質天命爲二  
性而言之勉齋爲張程解不本張程之旨解之蒙有

惑焉。願聞其說。余日子子受光之辨可謂明且哲矣。此正張程分性而二之之本旨也。或人問勉齋辨析純正而勉齋所答絕非張程本旨。張程本分性爲二而論之。勉齋仍歸性于一而解之。是以已之可解。解張程之不可解。猶紫陽無形有理爲圖說。解伊川理一分殊爲西銘解也。蓋自有天地生人生物以來。氣與質爲類者也。然從未有不識氣之爲氣。而可以質爲氣。不識質之爲質。而可以氣爲質。性與氣質爲類者也。然從未有不識氣質之爲氣質。而可以性爲氣。

質不識性之爲性。而可以氣質爲性。雖小儒曲學紛紜雜出。而論性究不能出從古大聖賢人言性。而自立一說者也。惟張程論性。自謂能發孔孟所未盡。緣惑于告子生之謂性。食色性也之說。不知氣質之爲氣質。遂以氣質無知。而爲有知之物。不能以性之有知。表而出乎氣質之上。使性得而主之。反以性之有知。推以入乎氣質之中。使氣質得而主之。惑于佛氏自無始來。本無一物。與告子無善無不善有合也。此等妙義非從孔孟座下。耳。○提○而○命○來○那○得○有○此○性○留○下○性○絕。并不知性之爲性。遂以性爲有知。而反若無知之物。



不能于性之惺然而覺有條有理而本任者求之必  
于性之冥然而寂渾淪無物雖有而若無者求之此  
其視氣質之能運能動不得不以不善歸之也必矣  
又安得以性之能知能覺入乎能運能動之中止歸  
之以善不歸之以惡者哉是其視氣質之能運能動  
固已惡之矣况以性之能知能覺入其中而與爲不  
善有不惡之尤深者乎又安肯以與氣質爲不善之  
知覺反而入彼無善無不善自然之性覺可與證本  
來之果者耶故從佛氏之本旨謂人自無始來賦此

運動之氣質卽賦此知覺之性而爲人使人自以其  
知覺知覺其運動自以其運動運動其知覺不過爲  
能知覺能運動之人自成其爲人而已我獨不以人  
之氣質爲氣質卽不以人之運動爲運動不以人之  
性爲性卽不以人之知覺爲知覺不以人之知覺止  
知覺其運動人之運動止運動其知覺而以舍吾氣  
質之運動而求其不運動舍吾性之知覺而求其  
無知無覺舍吾天所已付之氣質而求吾未賦氣質  
之先舍吾天所已付之性而求吾未賦性之始吾視

吾與人同付之氣質○其能運能動○直臭腐視之而已○  
吾視吾與人同付之性○其能知能覺○如器之受光○非  
日之本光○直糟粕棄之而已矣○張程有味乎其旨○故  
不○惜○以○入○氣○質○之○性○爲○非○性○委○而○棄○之○以○歸○于○氣○質○  
自○求○其○所○爲○無○善○無○不○善○之○性○于○氣○質○之○外○以○爲○此○  
真○天○命○之○性○也○告○子○之○言○佛○氏○之○說○豈○欺○我○哉○又○安  
有○如○子○所○言○人○之○有○氣○質○猶○日○之○有○體○人○之○有○性○如  
日○之○有○光○不○欲○以○一○性○分○而○二○之○哉○至○氣○質○之○性○形  
而○後○有○之○說○使○未○受○生○之○首○更○無○有○性○則○可○如○其○有

之是形而未有之先又有一性矣夫形而後有卽嬰兒出離母腹時有是形卽有是性者也若天地之性在未受生以前必在嬰兒未離母腹時先有之是天地原有二性賦人一則未形以前賦之一則有形以後賦之雖天下至愚之人有不知必無是理者乎或人求其說而不得以氣質之性形而後有歸諸人以天地之性在未受生前歸諸天故曰性固善矣于何預此亦可謂善疑亦可謂善論矣然張程本旨正欲以形而後有歸人受生以前歸天分而二之不以

剖○析○曲○折○疊○轉○下○能○故○天○尺○寸○

爲怪者也。勉齋乃以天地自然之性卽在氣質之中。是又取其所分之性而一之也。何以解或人之疑哉。故又以天地自然之性旣在氣質中。自必有善無不善矣。然其有善有不善者。氣質而非性也。勉齋又以氣有偏正。性亦隨而偏正。是氣質善惡與性若無與。但氣質旣有善惡。性亦隨而善惡。是性以氣質故一。如爲法受惡。性亦何所辭哉。乃此時何以反舍天命之性不問。又止執所爲氣質之性。別爲一性而歸獄之。是一人之身。一與氣質爲類而受惡之性。一不與。

太極圖說論

卷之五

末

惟山堂

氣質爲類而不受惡之性天下之言性其穿鑿更有甚于此者耶夫從古大聖賢人之言性也以人生本正之氣質此與天地之性相近者也由是而善天命之性未有不居其功若本偏之氣質此與天地之性不相近者也由是而不善天命之性自不得辭其責以天命之性能與氣質爲善亦能不與氣質爲不善者也如亦與氣質爲不善其罪又安所逃哉乃何以按其罪又必別立一氣質本無之性名之以性而坐之而天地之性其爲過之尤而罪之首反若一無所

與焉者。此理之不可解者也。或人自必以氣質之不正此時天命之性復何在乎。以子思未發之中詰之。勉齋不得已而止。就已發未發論之。夫子思之所爲已發未發。是君子戒懼慎獨爲中。爲和存心養性後驗之者也。勉齋乃就凡人言其未發此心湛然氣正而性自正。及其已發聽命于氣。氣偏而性亦隨之。且謂先師所云未發已前氣不用事。所以有善而無惡爲解。不知此特孟子所謂平旦之氣。好惡近人。旦晝所爲。特亡已盡論氣而已。與子思言修道君子已發

未發爲中爲和了無干涉余謂勉齋解二性之說以一性解之猶紫陽之解圖說伊川之解西銘不解其近二氏之說而徒以孔孟之解解之者也

凡爲異端下針砭必使異端之病根無不發露然後以聖賢國工之手針砭之宋儒攻二氏止以我攻二氏不能以二氏攻二氏輸桂山一着在此



太極圖說辨性論二十七

或曰橫渠說氣質加之性二字乃又有天地之性之說究竟氣質是何性不與天地俱來者耶天地是何性不與氣質俱來者耶又云善反善養則天地之性存焉則是天地之性本在吾氣質中反之養之卽變之化之之說也不獨氣質無知之物從吾天地之性而變之化之卽氣質本無知加以有知謂之性者未有不從吾天地之性而變之化之矣乃又云惡盡而善亡不言善而止言性與程氏言性同而言繼善成

性則尤異可得而聞其說歟余曰橫渠旣以性屬氣質又言善反善養則天地之性自存是以氣質之性不可謂性必天地之性始可謂之性也夫氣質無知本不可言性之物而亦以性言是不過以性與氣質同賦于天有是氣質卽有是性有是氣質之運動卽有是氣質之知覺旣以不知氣質者屬之以性自必以不知知覺之屬性者并以屬氣質焉耳余姑舍氣質之無知覺卽以彼言有知覺者論之夫天地旣賦人以有知有覺之性變化吾氣質矣又有一有知有

覺氣質之性與吾天地之性相持于變之化之之間  
人心道心交戰于胸中有二性卽有二心譬諸兇暴  
之小人與善柔之君子交手相搏其不勝也必無幸  
○正○德○危○坐○而○談○淡○淫○邪○道○士○詞○何○從○而○入○  
矣○是○天○下○之○性○未○必○不○皆○爲○有○惡○而○無○善○之○性○又○未  
必○不○皆○爲○有○惡○而○無○善○之○人○亦○已○久○矣○然○則○從○古○聖  
人○于○冥○冥○陰○陽○中○識○取○天○止○一○命○人○止○一○性○所○爲○氣  
以○成○形○理○亦○賦○焉○者○豈○其○止○能○識○取○天○地○之○性○不○能  
并○氣○質○之○性○而○識○取○之○恐○亦○必○不○然○之○理○也○乃○又○曰  
性○未○成○善○惡○混○夫○此○未○成○之○性○必○非○人○生○以○前○未○受

之○性○此○時○天○命○之○性○安○在○爲○所○混○不○爲○所○混○果○何○如○  
者○耶○且○謂○變○變○而○繼○其○善○吾○不○知○善○惡○混○時○必○求○善○  
而○繼○之○憑○何○性○而○繼○之○苟○天○地○之○性○吾○生○而○未○受○之○  
則○與○吾○本○無○與○者○也○苟○生○而○已○受○之○則○與○吾○氣○質○之○  
性○一○善○一○惡○並○立○其○間○自○非○本○吾○天○地○之○性○以○制○吾○  
氣○質○之○性○戰○克○而○爲○主○于○中○未○有○能○變○變○而○繼○其○善○  
者○也○如○是○則○天○地○之○性○在○吾○性○中○其○爲○本○善○可○知○矣○  
氣○質○之○性○在○吾○性○中○其○爲○本○不○善○可○知○矣○以○善○制○不○  
善○則○善○爲○主○而○吾○性○之○本○善○可○知○矣○以○吾○性○有○知○之○

善○制○吾○氣○質○無○知○之○不○善○卽○制○吾○氣○質○本○無○知○又○有  
性○而○有○知○之○不○善○則○以○吾○有○知○之○善○爲○主○無○論○氣○質  
中○有○知○無○知○之○不○善○孰○敢○不○變○而○爲○善○而○吾○性○之○本  
善○又○可○知○矣○何○以○又○云○惡○盡○去○則○善○因○以○亡○又○云○舍  
日○善○而○曰○成○之○者○性○夫○性○未○成○善○惡○混○時○尚○欲○繼○善  
以○去○惡○使○性○成○其○善○豈○有○變○變○繼○善○若○此○惡○旣○盡○矣  
性○已○成○矣○純○乎○善○矣○何○以○反○云○善○因○以○亡○然○則○吾○變  
變○繼○善○所○繼○之○善○其○善○安○在○而○可○云○亡○耶○是○明○以○性  
未○成○善○惡○相○對○混○而○不○分○見○惡○斯○見○善○而○善○可○見○故

善不亡及惡盡去獨有善止見善不見惡惡既不可  
見善從何見善猶無善不亡亦亡亦不通明無善無  
不善一語而已夫性之本善非惡可混夫人而知之  
乃云善惡混徒以氣質混之也以氣質之混故云惡  
今疊疊而繼其善善繼而惡去惡盡去而純乎善此  
正性成之時無論其所謂成者是天地之性耶是氣  
質之性耶可以性名卽可以善名乃橫渠又若止可  
以性名不可以善名者此又何說耶如以天地之性  
不可以善名此告子佛氏之本旨告子佛氏言之可

也○若氣質之性○張程之言也○其始之善惡混者○今則  
不混矣○且惡盡去而純乎善矣○其善養善反○用力亦  
已至矣○何惜乎善之爲善○不予氣質之性○必云善因  
以亡○必云舍曰善而止曰性○嗟乎○此張程以人生之  
性○乃善惡混之性○卽善惡終不混○不得歸之以性○卽  
欲歸之以性○亦必歸之天命之性○而後可謂之性也○  
所云善反善養○則人盡而天者○可以性名○不可以善  
○一○波○未○平○一○波○復○此○神○妙○至○此○  
名○終不欲以無善無不善之性○歸之以善之本旨○不  
已情見乎辭哉○由其說而推論之○其所謂天地之性○

卽佛氏湛然○宋然○不落陰陽○獨存本覺者是也○其所  
謂氣質之性○卽吾儒降衷○恆性有物有則○氣以成形○  
理亦賦焉者是也○佛氏之性○但從無始○認取本來一  
切六根八識○止須屏之絕之○彼所爲從火坑而吐青  
蓮者是也○吾儒之性○去欲存理○戒懼慎獨○以言氣質  
必變之化之○以言心性○必操之存之○彼所爲淘沙而  
見金○鑿石而得玉者是也○取二家而較論之○從吾儒  
者○用力苦而登岸難○一似強勉而爲之者也○從佛氏  
者○見功速而取徑捷○一似自然而得之者也○儒者惑



其說不獨張程爲然矣。故分天地之性氣質之性而  
二之。明以天地之性歸佛氏而以氣質之性歸吾儒  
以吾儒卽由戒懼慎獨以致中致和。不過以氣質之  
性自治其氣質而已。必至善反善養則天地之性自  
存。終不以天地之性屬吾儒之本旨也。終不以佛氏  
無善無不善之性而又入乎有善有不善氣質之中。  
又爲善反不善反善養不善養而受其功過之本旨  
也。故雖儒者性成必舍善而言性。以明儒者言性必  
通乎無善無不善之佛性。始爲性。又安用徒以性爲

○讀○孔○孟○書○不○讀○桂○山○文○未○可○與○二○氏○對○

善而言之哉。又恐世之訾其以儒而逃墨也。故一性也。分天地氣質爲二。以別之。其旨肆而隱。其辭曲而游。無非發明。告子未盡之言。佛氏已洩之秘。與孔孟立說迥別。不得已。又止以孔孟論性。乃極本窮源。一語推而遠之。而自伸其說者也。

橫渠繼善成性之說。宋儒訾議甚多。紫陽直以不知性非之。然止非其與吾聖人言性相悖繆而不知其暗入二氏窠臼中。雖明與聖人相悖繆而不惜者也。若留一字疑義。不爲洗滌淨盡。雲霧千重。卽從一字起障。不至無天無日。不止千疊苦心。萬疊苦言。吾讀盡古今萬卷書。不曾有此等又字。

太極圖說辨性論二十八

或曰橫渠宋之大儒其格物窮理必造其極豈真無見於告子佛氏之說超出孔孟之上肯舍從古大聖賢人言性特立二性之說以疑天下之人乎余曰氣質而加之以性○考諸三王而繆○俟之百世聖人而惑○有所不能免者也○其不免於惑且繆者由其不知氣質之爲氣質○卽不知性之爲性耳○夫氣質之爲氣質○天下至愚之人誰不知之○吾謂其不知者以無知之○物而題之以有知○是以謂之不知也○非徒不知氣質

而已也。并○不○知○善○惡○何○以○謂○之○不○知○氣○質○也○。以○無○知○  
之○物○而○題○之○以○有○知○是○性○之○有○知○者○反○使○氣○質○得○而○  
操○權○譬○猶○莽○操○篡○漢○閏○位○餘○分○而○以○正○統○歸○之○也○何○  
以○謂○之○不○知○善○惡○也○。以○無○知○之○物○而○題○之○以○有○知○是○  
性○之○純○乎○善○者○反○使○氣○質○之○不○純○乎○善○者○與○爲○同○過○  
譬○猶○大○禹○神○智○䟽○河○濬○川○而○亦○以○杞○族○棄○之○也○。余○前○  
言○已○論○之○矣○。今○不○得○已○更○以○氣○質○之○爲○氣○質○與○子○言○  
之○人○之○有○氣○非○人○之○氣○天○之○氣○也○。人○之○有○質○非○人○之○  
質○地○之○質○也○。人○之○有○性○非○人○之○性○天○之○命○也○。氣○質○性○

命天與人合而有之氣質非先性命而有性命亦非  
先氣質而有○所爲二而非一又一而非二不可須臾  
離者也天有氣而無命天一混沌之物耳地有質而  
不以天之命爲命地一塊然之物耳人有氣質而無  
性一血肉蠕動之物耳故天與地雖分○人與天地雖  
○如○此○說○氣○質○與○性○猶○有○素○強○支○離○爲○說○者○真○甘○心  
分而性命氣質合則有而分則無者也天有氣而無  
爲異端之人

其性固不可以爲人人有性而無其氣與質亦不可  
以爲人此性命與氣質天地與人一有而無不有必  
無先有天地與人而後有性命先有性命而後有天  
地與人自然之理也今橫渠以性未成立說是以人  
性有成時有未成時言矣而不知性之在人不可以  
成○未○成○而○言○者○也○其○以○成○未○成○言○者○乃○受○性○以○後○人  
之○事○而○非○天○之○事○也○人○受○天○所○付○之○氣○而○以○耳○目○口  
體○付○之○未○嘗○缺○一○而○付○之○卽○受○天○之○性○而○以○仁○義○禮  
智○付○之○未○嘗○缺○一○而○付○之○天○爲○付○性○之○天○人○爲○受○性

之○人○既○已○付○之○受○之○而○有○之○矣○又○何○未○成○之○有○哉○若  
舍○天○無○所○爲○而○爲○之○成○言○人○有○所○爲○而○弗○爲○之○未○成○  
止○可○言○人○未○成○不○可○言○性○未○成○此○聖○人○所○以○繼○卽○言○  
善○成○卽○言○性○中○庸○所○以○命○卽○謂○性○率○卽○謂○道○者○是○也○  
故○曰○誠○者○自○成○也○苟○其○人○不○能○以○自○成○者○成○之○直○謂○  
之○不○誠○而○已○直○謂○之○不○誠○無○物○而○已○於○性○之○本○成○何○  
與○乃○欲○以○天○之○付○有○是○性○而○亦○以○未○成○言○之○不○亦○繆○  
乎○然○則○性○未○成○之○言○自○必○其○人○繼○善○成○性○之○物○不○繫○  
之○人○不○繫○之○天○繫○之○非○天○非○人○之○間○虛○其○位○而○言○之○

所爲人生而靜以上一本無之性○不可以善名不可  
以惡名之性○非人生而後有善必繼○疊疊然銖積寸  
累而始繼之善○有性必成○疊疊然爲仁爲義○爲孝爲  
弟而始成之性○亦猶夫告子杞柳湍水之說而已○此  
余之不能爲橫渠解者也○且人之有是氣質○卽有是  
耳目口體其欲之大者○莫如飲食男女○雖天地之大  
無是氣質○則已有是氣質○其不能與人二之者○必然  
之理也○二氣感應○絪縕化醇○天資地而不亢○地資天  
而不孤○化神奇爲臭腐○化臭腐爲神奇○亦猶人之有

看料氣質淺○自看得法○達絕無人說○到此



飲食男女。而後有生成之功也。故人之有是氣質。卽有昏明強弱之不齊。未有不本陰陽五行純雜之氣。而有之者也。卽在天亦有晝夜晦明之不時。在地亦有山川風土之不一。人之氣。未有不因天之氣。人之質。未有不因地之質。而有是昏明強弱之分殊者也。然此固不可以善言。亦未可遽以惡言也。卽以昏明強弱之不齊耳。目口體之有欲。謂之善惡混。猶可也。若性則繼陰陽之道而成之。本無不善。而云性未成。善惡混者。性卽是氣。氣卽是性之說也。夫性不可爲。

氣質氣質不可爲性而言善惡混者亦不過以性與  
氣質生初同賦卽以混氣質者混之耳夫氣質雖有  
性不變不化可以混言性雖有氣質能變化其氣質  
而不爲氣質所變化不可以混言者也豈非不知氣  
質無知而性有知徒以其不可離卽爲本可雜之明  
驗耶况人之氣質其爲昏明爲強弱亦猶耳目口體  
之附身而不自知者也使無是性與之俱賦而來其  
言○至○此○猶○不○知○氣○質○無○知○曰○字○者○必○非○善○讀○四○子  
與草木之自生自長禽獸之求食求偶亦復何殊其  
書人  
明與強者自明自強亦不得而知其明與強也其昏

與弱者○自昏自弱○亦不得而知其昏與弱也○惟有是  
知覺之性○與氣質同具於陰陽之中○故均是人也○與  
之明理○此能明而彼不能○卽明始得以昏別之○與之  
行事○此能行而彼不能○卽行始得以弱別之○然其分  
自在○氣質與本然之性○覺無與也○賢知之明○與強由  
吾本然之性○覺而能益明益強○亦氣質之輕清而明  
且強耳○其視昏且弱者○雖過焉○其過焉者○自在氣質  
與性無與也○愚不肖之昏與弱○雖由吾本然之性○覺  
而不能遽明○遽強○亦氣質之重濁而昏且弱耳○其視

明且強者雖不及焉其不及焉者自在氣質與性無與也呂與叔云三人一目而別乎色一居密室一居帷帳一居大庭所見不同蔽於厚薄耳蓋言明止一明猶性止一性其昏明之不同由氣質之不同耳故耳目口體人之所爲足以累性者也古之聖人則以爲不足以累性昏愚柔弱人之所爲不足以達性者也古之聖人則以爲無不足以達性橫渠乃執一性未成善惡混之人使之亶亶而繼其善必俟惡已盡善并亡而始見天地之性是天地之性真所爲無善

無不善冥然寂然一無所爲之性而已矣其言繼善  
既○不○本○此○性○繼○之○以○此○性○爲○性○之○用○其○言○成○性○亦○不  
本○此○性○成○之○而○反○以○此○性○爲○性○之○體○此○又○余○之○不○能  
爲○橫○渠○解○者○也○且○古○之○聖○人○其○教○人○以○復○其○性○也○未  
嘗○以○分○氣○質○者○分○其○性○亦○以○氣○質○無○知○之○物○苟○能○以  
性○之○知○覺○爲○主○而○變○化○之○性○雖○不○與○氣○質○同○體○而○氣  
質○且○能○與○性○同○用○者○也○故○古○之○聖○人○不○徒○以○人○之○道  
教○人○一○本○乎○天○之○道○教○人○者○也○天○之○生○人○必○有○是○耳  
目○口○體○而○有○以○生○之○也○天○之○生○人○必○有○是○飲○食○男○女

非止明聖道與二氏對針其奇旨

而有以生之使人又有以生之也天之生人必有是  
昏明強弱之人使強與明者有以生之必使昏與弱  
者莫不有以生之也天地生物之情在是天地生物  
之道亦在是也夫天之生人有以生之如是生之而  
又使自生之如是生之而莫不有以生之如是而無  
是性是心以爲之主而僅有以生之則亦猶夫草木  
之自生自長禽獸之求食求偶而已故有是性有是  
心而後耳目口體有視聽言動存焉卽有明聰恭從  
存焉有是性有是心而後飲食男女有飢則思食壯

則思室存焉卽有食則有其力室則有其別存焉有  
是性有是心而後昏明強弱有其知其由存焉卽有  
生安困勉存焉此聖人本天道而爲之卽本天之成  
人與人之自成之道而爲之者也故天生人有是欲  
而無主以制之不能無自亂之勢天生人有是氣質  
而無主以變之化之不能無自棄之憂天若曰吾與  
萬物同此氣質同此性命非吾爲主而誰爲雖天與  
地同一道也天亦不能讓於地而獨有之是以言氣  
質雖合天地言之言性命之理必歸之天而曰天道

此○直○以○天○與○人○賦○性○命○教○之○大○旨○一○貫○而○古○之

聖○人○若○曰○吾○與○人○同○此○氣○質○同○此○性○命○非○吾○爲○主○而○  
誰○爲○主○聖○人○與○人○同○一○道○也○聖○人○亦○不○能○讓○於○人○而○  
獨○有○之○是○以○言○人○以○均○是○性○命○均○是○氣○質○言○之○而○言○  
盡○性○至○命○之○天○道○必○歸○之○聖○人○而○曰○聖○人○之○道○聖○人○  
尊○天○而○不○敢○自○卑○其○已○有○其○形○必○踐○是○形○有○其○欲○必○  
正○是○欲○有○其○性○必○盡○是○性○以○成○已○又○盡○是○性○以○成○物○  
能○使○天○下○有○欲○一○如○無○欲○有○氣○質○一○如○無○氣○質○人○人○  
有○其○性○一○如○吾○一○人○有○其○性○所○謂○經○大○經○立○大○本○知○  
化○育○推○聖○德○之○極○至○曰○至○誠○誠○之○爲○言○實○也○有○也○真○



之謂也。反言之爲無妄。妄之爲言虛也。無也。僞之謂也。故曰誠者物之終始。天命之不已。至誠之無息之謂也。又曰不誠無物。命之不已而可已。誠之不息而可息之謂也。不已不息。其爲物也。至實至真。無時不有矣。又何終始之有。窮有極哉。可已可息。其爲物也。一聞之虛。虛則無矣。一毫之僞。僞則無矣。尚何物之有。尚何終始之有哉。此聖人教人復其性人之從聖人而復其性。未有不以去不善而存善爲旨者也。惡去而善存。善存而性盡。性盡云者。盡其有善無不善。

至誠無妄之實有者而已。今橫渠云：性之成也不曰惡去善存，反曰惡去善亡，不以有誠無妄可言善者言性，乃反以無誠無妄不言善者言性。吾不知橫渠以有誠爲善，無誠爲善耶？有妄爲善，無妄爲善耶？以至實至有爲成性耶？以至虛至無爲成性耶？此佛氏以吾儒之實爲虛，以彼之虛爲實，以吾儒之有爲無，以彼之無爲有。以吾儒之真爲僞，以彼之僞爲真。總之以吾儒之至誠爲妄，以彼之至妄爲誠而已。儒者惟不能知吾之至實，至有不能不信彼之至虛，至無。

苟能知吾儒至實至有之誠而不妄自不信彼至虛至無之妄而不誠其於性與天道可謂能知之者矣又何至如佛氏今日斷六根祛八識而曰是皆妄也明日言心有其心性有其性而曰是皆妄也而不自知其所爲妄者非妄真者非真徒自反天道背聖人終其身自以爲道而已矣

發明氣質與性二義直從有天地以來至實至有之理不徒說性爲至實至有之理而已也能知天地之氣質不與性離不與性雜始知得聖人易有

太極四字

太極圖說辨性論二十九

或曰佛氏以吾之有爲妄以彼之無爲真故人止知彼以吾之有爲妄而已從未有取彼之所爲真者反從而妄之也吾子之言不幾如昔人庸詎知彼之所爲妄者非真彼之所爲真者非妄以資口辨云爾耶余曰非也告子之論說彼自見爲真而不妄矣孟子止以切實不虛者折之今其書具在人人讀而知之也此豈昔人堅白之辨所可比論者耶佛本身毒國之人其人物風土與西域諸國略同天于彼國生此

一人亦可爲超乎其族類者矣彼習見其風土喜淫  
好殺多由飲食男女而起因貪而生與因與而生癡  
相爭相殺而無已究不免于生老病死爲人世虛生  
之人故其教以不茹腥不畜室爲大一切耳目口體  
謂之六賊設爲五戒自守以教人此其視天生耳目  
口體如蠹賊之食苗心者然必欲除而去之者也豈  
復有與人同此飲食婚宦之情者哉其視一身虛幻  
猶復厭而苦之又安知人倫爲何物肯過而問之然  
彼雖不知有身而舍其身○不知有君親而背其君親○

未嘗不知彼之有心有性不可舍而背之者也。彼既知彼之有心有性不可舍而背之。又豈不知彼之此心此性與吾中國聖人此心此性亦豈有二哉。彼知彼之心性與中國聖人同。自當與中國聖人存此心養此性。與中國聖人亦有何殊。彼惟不知聖人以吾一身所有本諸天地。吾本天地之以命主乎氣者。以其性主乎氣。不惟不知。且不能爲也。不得不出于舍色身而求心性之一法。使其所求于心性者。亦如吾所求于心性。以求其心性。則彼之所求于心性者必

○舍○過○之○解○一○有○需○千○

不可得而求矣。吾儒之心性必有是仁義禮智之根  
于心者也。必有是人倫有是成已成物之全乎性者  
也。彼方棄其身如棄臭腐。割其愛如割贅疣。而反肯  
以吾性之所本有奪彼心之所欲無。其視之也一如  
六賊之賊其性者等耳。故空一身之色相必空一心  
之色相。自謂性之爲性寂然不動湛然常明而後彼  
之所認爲本無之體者自在也。彼又以人之生死雖  
殊神常不滅。吾能以吾淨修之力自制于生時不能  
自主于死後是徒能了生不能了死。凡吾之爲此非



徒爲生而爲之爲死而爲之者也故必使六根斷入  
識空獨存其本覺而後可以出輪迴証無生故佛氏  
之道不徒無色無相爲空而已也苟無其心無其性  
猶若有心性存焉者亦不可謂之真空也然彼之所  
爲無其心無其性者不過取彼心性中實有之理一  
切空之謂之無心無性耳謂能并取彼心性之知覺  
○必○從○彼○無○所○遺○處○以○之○而○出○  
而空之謂之無心無性并其知覺而無之可乎不可  
乎故以彼所爲空虛者論之則不獨色相可空卽心  
性亦可空矣以彼所爲寂滅者論之則不獨色相歸

寂滅心性歸寂滅卽知覺亦歸寂滅而後可謂之寂  
滅也何者色相不寂滅固不可言無心性不寂滅亦  
不可言無知覺不寂滅亦不可言無無之爲道一無  
而無不無者也有一不無不止一不無而已也而無  
之道非矣苟自謂無一不無而有一不無此一不無  
○彼○其○就○不○得○不○代○他○說○然○彼○我○破○他○說○卽○他○自○破○  
卽一有矣彼猶以無言其言妄而非真矣彼猶以無  
○自○說○  
爲旨其理亦妄而非真矣乃佛氏之道則又色相可  
無心性可無而知覺必不可無者也夫知覺之不可  
無吾亦知彼知覺之必不可無也豈徒佛氏自以其

知覺爲不可無哉。故佛氏從色相所有而無之。從心性所有而無之。此從生而有者。空其有而無之也。至其死而無矣。色相無而色相之根不無。心性無而心性之根不無。以此知此覺在也。此非徒從生而有者無之。必從其死而無者并無之。而後所爲無者。斯爲真無矣。佛氏曰。吾涅槃時寂然不動。一真自如。吾于一無而無不無。亦何有哉。然此亦彼自以爲無而已矣。亦自以不無爲無而已矣。而不知其必不能以不無而無之者。以此知覺非佛氏自性中之知覺。猶是

思入香冥如白日

天命人性共有之知覺通乎幽明死生鬼神而無不  
有之者也。吾天命人性通乎幽明死生鬼神而有之  
者。非有靜無動之性命。非有靜無動之知覺。非有存  
無發之性命。非有存無發之知覺也。其靜也寂然不  
動。其動也感而遂通。其靜而存也湛然而自存。其動  
而發也充然而自發。其湛然而自存者。所謂誠而有  
其明之道也。其充然而自發者。所謂明而有其誠之  
道也。天與人同此一道也。今佛氏生平之所修所証  
知靜而不知動。其寂乃無所爲通之寂。而不可以爲

寂也。知存而不知發。其明乃無所爲。誠之明不可以  
爲明也。而欲以彼知覺入之。天命之不已。而獨已之。  
至誠之無息。而獨息之。自歸于空虛寂滅之中。吾有  
以知其不能也。此其生時說法。以一大事提人死後  
說法。又以一大事提人。如滅度後。爲母忉利天說法。  
爲帝釋坐孤山石室說法。又有生而吹藥度人死而  
卓錫度鬼。干與人世諸說。又有未生前在兜率天率  
其徒降生而爲人。旣死而天地災劫後。又復率其徒  
出世而教化人。諸說所求脫輪迴而證無生者云何。

乃生求出世死又入世生求無生死復有生豈其生而之死空心性冥知覺與世人無與者此心此性此知此覺爲之死而之生心性不空知覺不空于與人世者非此心此性此知此覺本無者爲之又別有一心性知覺本有者爲之耶亦何暇問其說之欺誑與否而佛氏一切空無存此性覺寃不能空之無之其爲真爲妄必有能辨之者矣

佛氏以無爲旨其勢必并心性知覺空之已破其中堅又必并使無住脚處讀其文篇篇可作觀止歎而不可作觀止歎方許讀其文